

НИМЫСЬТЫЗ
КИГОЖТОСЪЁС

КИГОЖТОС №1



*Никонова (Стахеева) Мария Павловна
Д. Дубровский*

*Тылобурдо лобан понна
– адыми шуд понна вордскем.*

*Кырзаса но уд дугды,
бӧрдыса но уд дугды.
Верано кыльӛстэ ваньзэ,
Гожтыса но уд быдты.*

6 июнь 2018 ар. Игорьлэн вордйськем нуналыз.

Пичи дырме выльысь гождяно кариськи. Шудо-буро, тупаса, ужез яратйсь бадзым семья. 6 нылпиос, пересь анай, атай, нэнэ, 9 кузя. Мон самой пичиез, шаян вал, шаплы. Анай пересь монэ өз яраты, агайёс яратйзы. 1930-1931 аръёсы колхозъёс кылдыны кучкизы. Котькуд семьялэн аслаз нимаз музъемез ке вал, музъемъёсыз межатэк огине карыса гыроно. Валъёсыз огине, скалъёсыз огине фермаос кароно. Вал гидъёс, скал гидъёс лэсьтоно. Соин ик калыклэсь кеносъёс, коргидъёс поттоно. Умойгес уйлъсь семьяосыз кулак карыса, юртъёссэс кесяллязы. Коркаосысьтызы потылыса, коркаоссэс кесяса вузазы. Адямиос коркатэк кылыса, кин ыжгидэ корка кариз, кин первой пумысь мунчояз уйлъз. Гуртын активистъёс вал, зарлы⁹⁸ уйлъсьёс, соос дйськутъёсыз но поттаса асьсэос нулдйзы. Вань дйськутэз медаз поттэ шуыса, ваткаллязы. Азьло дйськут асьме лэсьтэм: черсыса, куыса, кийн вурьса.

Таёе учырлэсь ми но ём кыле.

Милемыз 2 августэ 1931 арын дорысьтымы келязы. Ми пичиесь вал на Лукерьяен, кызы асьме дорысь потэммес уг тодйськы ни. Тйгырменэ Васюкъёс пала дугдылймы. Одотья апай, Васюклэн нэнэез, туж бёрдыса кылиз. Тодйсько на Садо сюрестй кошкеммес, нэнэос пашпу мульы басьязы. Собрере вуимы Сарапулэ, татын выжез котырес-котырес пасё вал. Поездэ кызы пуксим уг тодйськы ни, мынймы товарной поездэн. Пермской областе, Усоляя шуо вал. Ми черко гуртын уйлмы Дедюхино нимо вылэм. Кытын кытын улэмме тодйсько на. Доре пересь анай, пичи агай, Орина кылизы вал, нэнэ бертылыса Оринаез ваиз. Орина улон интыямы пыриз но, туж зол бёрдйз. Гуртэ анай пичи агаен кыкназы кылизы. Ми 5 нылпи, атай, нэнэ уйлмы. Лёгор агайлы 20 арес, Офнасья апайлы 16 арес, Орина 9 арес, Лукерья 6 арес, мыным 4 арес но 8 толэзь. Бератаз выль баракын уйлмы Вуж Тйгырменысь Иван Иванычёсын огиньын. Соос 4 нылпи но анай-атай. 1 ар ёмгес улэ, оген-кыкен бертылймы. Первой апаен Орина, нэнэ Лукерья, мон собрере, атаен агай берло бертйзы. Бертыса дорын өз улэ, кошкизы Алнаш районэ ужаны. Нэнэ дорын өз кёла кадъ, уйлы пегаса кёлаз кадъ. 1933 арын анай кулйз, анайлэн 40 уез ортчыса дыр, март-апреле, милемыз коркасьтымы поттйзы. Ми улыны мынймы Ионэ, анайлэн ныл дыр дораз. 1933 арын ик апрель пумын нэнэ висыса кулйз. 1934 арез эшшо уйлмы на, гужем вуиз но, кык семьяез коркась поттйзы. Кёламы кёлан кеносын, сиськимы куалан. Август толэзе Оринамы одйг сутка гынэ висыса кулйз. Сое анай-атайтэк ватймы. Сйзъыл Ион Офначей ыжгидьзэс корка лэсьтйз. Атай но сйзъыл пал бертыса ыжгидьмес корка лэсьтыса кельтйз. Собрере ми асьме доры бертймы. Коркамес, кёлан кеносмес,

⁹⁸ Бигер кылысь *ярлы* – пр 1. бедный, неимущий // бедно 2. сущ бедняк 3. бедный, убогий, скудный.

нянь тырон кеносмес, куаламес кесяса нуизы. Обиньмы выль вал али, культо⁹⁹ куасьтон.

Мон, Никонова Мария Павловна (Стахеева Мария Павловна) вордски 1926 арын Кияса районын Старо-Сальинской с/совет, Вужгуртын (Ньонюк, Нижняя Малая Салья) шоро-куспо, бадзым но тупаса ульсь, уезз яратись крестьян семьяын.

Атае, Стахеев Павел Игнатъевич, вордскемын Починькаын (Верхняя Малая Салья).

Атайлэн анаез кулэм но, Вужгуртэ Максимен Такан вордыны басътйллям, Максимов Павел Максимович ветлэм. Пересь атаез, Максимез, уг тодйськы, пинальсь кулэм, фамилизэ но уг тодйськы. Максимлэн атаез Исьтёпан вылэм. Крас¹⁰⁰ шуо пе вал. Пересь анае Такан вал, тодйсько. Мон пичи дырря семьямы 9 адями вал.

1	Такан – пересь анай	ворд. 1867	Кулйз 1933. 8 февр.
2	Стахеев Павел Игнатъевич Максимов Павел Максимович атай	1889	1976
3	Павлов ¹⁰¹ Егор Павлович агай	1911 1913	1940, 23 февр.
4	Стахеева Анна Григорьевна нэнэ	1887	1933
5	Стахеева Афанасья Павловна апай	1915	2005, 12 февр.
6	Стахеев Анатолий Павлович агай	1920	1941, 31 авг.
7	Стахеева Ирина Павловна апай	1922 1923	1934, 10 авг.
8	Стахеева Лукерья Павловна апай	1925	1998, 12 фев
9	Стахеева Мария Павловна мон	1926	

2018 ар 6 июньлэн азыланьтонэз:

Милемыз келякузы апайлэн эшгёсыз келяны пе лыктйллям вылэм. (Вуж Прокофей кышно Маня апай вераз). Келяны лыктэмгёсыз пе пычалэн ыбылыны кучкизы. Чабак гидькуазе пе пегзылймы, забор борды пе ыбылйзы.

99 Культо – зуч “сноп”.

100 Кушем ним.

101 Кулаке поттон аръёсы Стахеев фамилизэ Павловлы воштэ, армие мынон понна. Документгёссэ воштыкуз вордйськем арзэ но воштэ 1913 арлы.

Угось Чабакъёс милемын ваче капказь вал. Мон чик уг тодйськы ни дорысь-тымы поттэмзэс.

1933 арын нэнэ кулйз, 6 кузя нылпиос сирота кылимы.

Бадзымез, Лёгор агай, атаен калык вылтй ужаса ветлйзы. Агай собере Ижевске улыны кошкиз.

Офнасья апайлы 18 арес вылэм, ми озьы 5 кузя уймы на, Орина кулйз. 1934 арын сйзбыл, 1934 арын гужем, 10 августэ Лукерья но мон 1-тй клас-сэ, Починькае школае ветлыны кучким. Наталя агай Сальяла 4 классэ вет-лэм дыр ини. Чукна ачиз султыса, картофка пöзьтыса сиськыса кошкылйз. Ыжгид коркан уйлйском вал ини.

Атай, медьяськыса ужаса ветлонъяз, Алнаш районэ, Кузёбай гуртэ кышно вылэ пыриз. Лукерьяез но монэ Кузёбае, тодмотэм адымиос доры, мурт дун-нее нуиз атайлэн Сальялан уйлй Илья нимо агаез.

Офнасья апаен Наталя агай кыкназы гынэ кылизы. Тйни озьы ог кылысь, тупаса уйлй бадзым семьямы таралйз.

1935 арын, сйзбыл Офнасья апай Тйгырменэ бизиз, Наталя агай воксё огназ улыны, ассэ ачиз сюдыны кылиз 15 аресъем пияш. Кыззы быгатйз, озьы уйлйз. Көт тырон понна ачиз араз, ачиз тыршиз. Берло 1937-38-а арын меда? Дубкиын пастухе медьяськыса ветлйз.

Ми бон Кузёбаись гужемлы быдэ адзйськыны бертылймы. Милемыз Са-лья сюрес вылэ келяса (пичи агай Наталя) люкиськыкумы, туж бөрдылймы.

Огпол атай Лукерьяен монэ асьме гуртэ вайыса кельтйз, Наталя агай доры. Атай ачиз ваньмымтэ-а мар-а? Нуыны өз лыкты. Наталя агайлэн мо-жет сиыны нянез но жикыт вал дыр. Со милемыз ачиз келяса мынйз, 40-50 км-ез веть пыдын ветлйськомы вал пичиесь 8-9-10 аресъемесь. Оч шур ду-рын Лебедино гурт сылэ вал. Лебедино гуртлэн склад вöзаз сиськыны, ял ка-рыны пуксимы. Наталя агай соку туж бөрдйз вераса-вераса: «Тйледын валче нуналгёсы огшоры быро ини, тани аран дыр но вуиз, аратэк кылысько ини».

Милемыз Кузёбае келяса, 1 уй кöлыса, берен пыдын ик кошкиз, 40-50 ись-кемез. Наталя агаен тазы луэм учырез тодам вайыкум, веракум ноку но син-вуаськытэк уг кылыськы, али но та чурьёсыз гожтыкум ой чида, гожьямысь дугдылй, сингёсы өз адже ни.

Дубкиын пастухын ветлыкуз, агаез Дубки калык (али со гурт öвöl ни, Ер-молаево вöзын вылэм со зуч гурт) сиротазэ тодыса, нимазлы сион сётъяллям. Эшез асьме гуртись ик ог ёзо пи вал Данюш агай шуиськомы. Мон Данюш ага-ез адзйсько ке, Наталя агаен чöшен пастухе ветлэмзэ мед вералоз кадь потэ, со номыр но уг вералля. Пастухын ветлыкуз Наталя агай Насьята апай дорын уйлйз, Бибарыс Насьята шуиськом. Со биземын вал Сьöd Педотлы. Малы ке Пе-дот агаез кыззы аджеме уг тодйськы.

Одйг пол Лукерьяен мыным нянь вылэ чечы зыраса сюдйз агай. Дуб-кибьсь сир чыжтыса вае вал милемлы салам. Соку ческыт сион сярсь пряник-канфет сярсь веранэз ик ой вал. Уксё ой вал, нянь но маин меда сюдэм? Эг нянь меда, лебеда меда вылэм, уг тодйськы ни.

Кык агайёслэн мар но со документёссы кылемын. Трудовой книжка-зы. Со книжкая Лёгор агай армилэсь азьло Ижын улыкуз, фабрика-кухняын ужам. Армие кошкем 1936 арын март толэзе. Конечно гуртын ке кызы юмшатыса, кадырласа келяськом, со сыче жечез, шулдырез өз адзы. Атай но келяны ветлйз-а өз-а уг тодйськы ни. Ас понназ котомка тыриз но кошкиз дыр.

Мон пичиысен гожтэт гожъяллыны кучки. Агайлы Лёгорлы гожъяллысь-ко вал 2-тй классын дышетскыкум. Мар гожъялом шуыса анай-атайлэсь юасько вал (анае сюранай вал ини). Бертон аяз, 4 классын дышетскиськом вал: «Анай аракы пöзьтыса дася ни, агай, бертыкудлы» шуыса гожтйськем. Лёгор агай сое серекъяса вера бертэм берез.

4 классэз быдтймы вал ини Лукерьяен, шур дуре чулка-пöзы миськыны мынймы вал. Дарья 3-няз гынэ мынйсь вал, сьöрамы басьтймы.

Сюранай йырзэ сынам, со вискын Лёгор агай пырем. Анай шумпотэменыз йыраз чалык чалмазэ изыям но, йыраз кышет керттыны вунэтыса, Туйка ошмес доры бызем, милемыз утчаны, нош ми мукет кожети Ваня кож шуиськомы вал, оти мынймы вал.

Ми анайлэсь азьло вуимы кадь. Капкаети пырыку ик мон аджи укно вадь-сысь агаез. Лукерьялы агай медаз кылы шуыса лушкем верасько: «Лукерья, Лукерья, агай бертэм».

Анай самовар пуктэм, салдат бертэм понна бöлякжёсыз öтчано. Агай пе шуэ: «Анай, эн сюлмаськы».

Анай монэ бöлякез öтчаны лэзиз. Мон ветлй öтчаськыса: «Агай бертйз, вöсьнергее öтчасько». Бöлякжёсмы лыктйзы но, мынэсьтым вöсьнергее öт-чамме серекъязы. (Вöсьнерге юон быдзыннал дырья луоз вал). Салдат бертон доры шуоно вал.

Атай соку зуч гуртын, Гаргиын лэсьтйське вал. Мон сое но öттыны ветлй. Собере агай но атайлы юрттыса ужаз.

Янгышен пьд юмылзэ тйрен чоген но, чутыса ветлйз. Ну бон шол соку ноку но адзылымтэ шулдыр шудонжёсыз аджиськиз. Тупен шудылйзы соку урамамы люкаськыса. Агай кошкем бере со шулдыр шудонжес ой вал ни. Агай пал пьд йылаз конгыса бызылйз. Со вал 1938 ар июнь толэзь.

Лёгор агайлэн отпускез быриз. Ми ваньмы атай, агай, Лукерья, мон бертй-мы асьме гуртэ, Наталя агай доры.

Атай берен кошкиз, ми кылимы, агай асьме гуртэ кылиз, Лукерьяен мон Тйгырменэ атай доры лыктймы.

Лёгор агай Тйгырмен гужем юонлы вуиз. Офнасья апайлэн соку 1936 арын вордйськем Витя нимо пиез висьыса кулйз (трос нылпи кулылйз соку, кӧткылен висьыса). Агаез гынэ возьмам вылэм, агай гынэ пыриз но, лулыз потйз, ми Лукерьяен туж бӧрдймы, берло но шай пала учкылыса-учкылыса бӧрдылймы на.

Гужем юонэз соку юизы, агай но юмшаз, кема бз улы, Иже кошкиз. Ог чук-на куалае пырыса, кыче гурен кырзамзэ уг тодйськы, кылгёссэ тодйсько.

Чуж но дйсяй бездылйз но,
Вож но дйсяй бездылйз.
Берпумгёссэ сьӧд дйсяй но,
Ортчиз пинал дауре.

Милемыз Лукерьяен кыкнамес Мошкине мынйсьёс сьӧры келяз агай берен Вужгуртэ. Келясьёс саз вылэ нӧдыса кылизы. Ми Лукерьяен кыкнамы отизэ шедьтйм Ньӧнюкез.

Со сйзбыл ик Наталя агай, Лёгор агай доры Иже улыны кошкыса, 1939 аре отпуске бертылйз, Кузёбайын но улыса кошкиз. Сйзбыл пал атай но монэ Иже нуиз. «Нянь ӧвӧл, агайёсыд сюдозы но дышетозы но шуыса».

Мон Голюшурмаын 5 классэз быдтй вал ини. Лёгор агай зуч кыл уд тодйськы шуыса, берен 5 классэ нуиз 5 №-ро школае.

Иже мыныкумы Огырчиозь пыдын мынймы, отысен поездэн. Пыдын кут кутчамын удмурт деремен. Ижысен агайёс 39 размер, асьсэлэсь нулдон катазэс сётйзы, сйзбыл 3 куско дукесэн, толалтэ чуж шымыриё шубаен, ййрам кышет вылэ такьяен ветлй. Одыг кыче ке шузигес-а мар-а? пияш «Колобок» шуэ вал.

Лёгор агай бон, атай монэ сюдос нуэмьсь ӧз шумпоты. Уждун ӧжыт басьто вал, 2 агайёс ик быдэн 200 ман. гынэ азьло уксёен.

Дйськутсы асьсэлэн но ваче воштос сяна дэрем-штанзы ӧй вал. Лёгор агай гужем но тол галифе брюкиен, курень пыръем векчи кечато пиджакен но гимнастёркаен, сурон сапеген ветлйз. «Дйськутэ аламаись, котьку но адямиос бере султыса фотографироваться кариськылй» – шуиз.

Наталя агай Лёгор агайлэн армиысь бертэм шинеленыз ветлйз. Йыразы кыкназылэн ик вурытэм сьӧд шлём вал.

Атай 2 агайёслы ик быдэн куз пурьыс гынсапег лэсьтыса ваиз Иже. Лёгор агай чидатэк возьмаз со шунит гынсапеггёсыз, вайытэк кема улэмьсыгыз атаез асьме куспын тышкаськылйз.

Кыче толэзе ваемзэ уг тодйськы ни но, Лёгор агай кема нулдыса ӧз вуы со шунитэсь, небытэсь гынсапеггёсыз. Наталя агай бон толбыт всётаки нулдйз. Мукет толаз тожо нулдоно бз луы ни, армие кошкиз.

Со 2 куз гынсапегъёс атайлы нулдыны кылизы. Кутчамезлы быдэ яке пи-
оссэ лушкем буре вайыса, кӧтыз уродэн кутчалляз дыр. Кема гынэ нулдйз со
гынсапегъёсыз.

1939 арын декабрь толэзе Лёгор агаез младший командиръёс дасян курсэ
басьтйзы. Квартирае өз бертылы. Улызы Киров парк палан, кыче ке но школа-
ез казарма карыса.

Курссэ быдтыса, бертиз квартирае, ог уй кӧлйз. Ми Лёгор агаен артэ кӧла-
мы вал бере, со таچه кылъёс вераз мыным «Маня, берпум уймес артэ кӧлйсь-
ком». Натоля агайлы шуиз: «Натоля, эн юы ческыт эн сиы, выл-пыддэ чебер
кар, сиемдэ-юэмдэ уз адже, выл-пыддэ аджозы адямиос».

14 январе 1940 аре агаез келямы. 2-тй №-ро мунчо шуо вал кадъ, псих.
больница палан. Мунчоозъ келямы, мунчоысь потэмзэ возьмамы-возьмамы
но өз вуы, мукет палтиз поттйзы-а мар-а? Со луиз люкиськеммы. Сое нуизы
финъёсын войнае.

Ми Натоля (пичи агай шуиськом вал) агаен квартираямы берти́м. Ком-
сомольская № 165 вал. Кык пересьёс дорын улймы. Кышнозэ Михайловна
шуиськомы вал, картсэ – Петрович.

Кӧня гожтэтэз вуиз уг тодйськы, но огпол мурт гожтэт вуиз. Со Пуро по-
чинька пи вылэм, агайлэн эшез. Агайлэсь быремзэ гожтыса лэзем.

Похоронкаез берло вуиз, 23 феврале 1940 арын финляндиен войнаын бы-
риз баджымез агае Лёгор.

Ми пичиеныз Натоля агаен кыкнамы кылимы. Мон дышетсконме кушты-
са, оло уже пыром-а шуисько вал, мыным 13 арес. Пичи агай сюдыны быга-
то шуиз, озы дышетсконме пумаз вуттй, хорошо но отлично отметкаосын
5 классэз быдтй.

1940 арын, сйзбыл пичи агайлы тожо армие кошконо вал действитель-
но. Соин со монэ берен атай доры вайыса кельтиз. Бертимы первой Кияса
районэ. Военкомат вадьсы вуимы но, агаез берласянь ик тодмай, чыртыяз
ошиськи, кин зуч ныл таچه та? пе шуисько.

Угось черодын сылыса 8,5 м басма басьтыса, 2 зуч дэрем вурытймы, 1-зэ
тодьыен ик нулдй, гордэн питрес пужы вал, 1-зэ вож буйтймы, гожмозэ Ми-
хайловна кӧланы вуриз. Миськем берамы гладить каре вал куке-соку.

Агайёс зарплата басьто ке, мон 13 аресъем нылаш кассир вал, шедьтод ке
котьмар басьты, только лавкае басмаос ке ваё уйбыт черодын сылоно.

1940 арын гужем июне-июле адямиосыз лагере шуыса басьязы. Офнасья
апай но Борис кырсиез келяса валэн мынэмын вылэм Киясае.

Огырзйысь пыдын туж жадьыса Киясае вуим вал, кызьы меда Тйгырмен
гуртэ вуысалмы на, вал ке ой сюрисал?

Собере Ньӧнюке мынймы картофка жуткамы Борис чужмуртъёс дорын,

отчы пыримы вал, асьмелэн дормы ой вал ни бере. Собере Кузёбае.

Пичи агай сьёры ика меда мон берен Ньонюкетй дыр Тйгырменэ апай доры Коляез утыны лыктй. Чукна яслие нуыса, ачим апайлэн культю кертто-наз юрттыны ветлй. Отяз ёз ныл эшгёсынымы ляг дурын етинамы, тышкамы но вёлдймы, асьме понна.

Атай нош лыктыса монэ Кузёбае нуиз пыдын, автобусьёс, машинаос кылэм но ой вал.

Мынй дышетскыны 6 классэ Голюшурмае. Чик уг пот ветлэме. Туж мёзмисько агайёслэсь.

Кам шур вылтй тёдды пароход кошке, чебер куаразэ поттэ, мёздем сьолэмез вырзётэ. Ёз ик кылды дышетсконме азыланьтыны. Иже нуэм дукесэ Иже ик кылиз. Дэрэм коже ветлй, чукна салкымгёсын, номыр-номыр дйсянэ ой вал. Черлай, фельдшер доры мынй, малярия пе, выль 1941 арозь виси. Атай кин ке сьёры хина басьтыны косыса, соин гынэ эм луиз, нош дышетскон аре огшоры быриз.

1940 аре сйзбыл октябрь толэзе Натоля агаез армие басьтйзы, мон висеменым кыли. 4 октябре 1940 арын расчёт басьтэм.

Ужан кучкемме верано ке, 1915 но 1925 аргёсын вордйськем апайёсыным чюш колхозын 1936 арысен кучки.

Гужеме потыса узым урыны ветлйськом вал, аран дыр вуыса, анай трудодень трос карон понна Лукерьяен монэ сьобраз культю керттыны нулдйз, етинь ке вуэ, етинаны ветлймы. Колхоз трос картошка мерттэ вал. Голюшурма спирт заводэ нулдо вал. Школае лэзьятэк ик нош картошка бичаны юрттыны сьобраз нулдылз.

1941 арын самостоятельно ужаны кучки ни. Голюшурма Алнаш тракт вылэ дорожное ветлылй. Война кучкиз но Алнаше 2 арняем курсэ основнахеме дышетскыны лэзьязы хорошолы сдать кари.

Натоля агай Дальний востокин служить каре вал, точно уг ни тодйськы, Уссурийской крайын-а?

22 июне 1941 аре Германиен война кучкиз, Натоля агай гожтйз, войнае мынйсько шуыса, собере уг тодйськы ни, кёнязэ меда басьтймы на. Но одйгзэ точно тодйсько, 31 августэ 1941 аре басьтймы.

Война кучкыса, пиосыз войнае нуизы, вань уж нылкышноослы кылиз.

Пред., бригадир, счетовод, кладовщик но мукет, трактористьёс нылгёс, нылкышноос. Бусы уж но берлы кылиз.

Кызы ке мынам та вакыт числоен нуналэн йырам кылиз.

Куазь шундыё шунит, шулдыр 11 сентябрь, Чумолё гурт палан кыин, сюрлоен сезы араськомы. Мынам нуназе карыны бергэме потэ.

Адямиос серекьяло: «Та Манялэн лыктылэ лэся» шуо.

Арня вал бере табань сиисъкеммы дыр ини чукназэ, нуназе чай гынэ юэммес тодйсько. Прок Илья шуисъкком вал, калека инвалид со. Гожтэт ваиз. Конверт учки, Наталя агайлэн кыыз өвёл. Дугды али чай юэм берам усьто. Өз чида сьолмы усьтй. Усьтй но лыдзисько Героически погиб рядовой Стахеев Анатолий Павлович вуи но бёрдыны кучки. Прок Илья мар карыны паймиз. Озы Наталя агайлэн похоронноез вуиз. 31 августэ бырем, 11 сентябре похоронноез вуиз.

Атай войнае кошкем Васька агайлэсь мушсэ учкыны мынэмын вал. Сое отыны ветлй, шонерак верасъкком дыр ини похоронной басытэммес.

Бертймы но атай ас тодмозэ вераса бёрдэ, анай ас тодмозэ вераса бёрдэ, кыче ке но нылпитэк, сьудйсьтэк кылем адямиосыз. Атайлэн 2 пиосыз вал Лёгор но Наталя, кыкназы ик войнае быризы. Лёгор Финляндия войнае 23 февр. 1940 ар. Наталя Герман войнае 31 августэ 1941 ар. Азьло анай-атай вёзы пи кылыса, пи сьудэ-вордэ вал бере, осконзы, сьудйсьсы быриз.

1941 арын сйзбыл картофка октыку валэн картофка нулдймы 2 кузя пиос но мон соосын. Атай вал кыткыны дышетйз, быдэн кык уробоен нулдймы, 14 арес 1-зэ уробомес картофка му вылэ юскисъкком но, картофкаен тырмем коробен уробоез кыткисъкком. Картофка гуэ нуыса вуытозямы, мукет короб тырме. 1941 арын 15 октябрёз картофка октон кыстйськиз, картофка октон бырыса гынэ школае мынймы. Праздникъёсы каникулъёс, выходнойёс ой вал ни со понна, Октябрь но 1-ой Май праздникъёс. Тол каникулъёсы но ой лэзысалзы вал но, куазь кезытэн өз луылы дышетскыны. Арлы быдэ экзамен сдать карылымы 4-тй классысен кучкыса, 1-тй июнёз.

Дышетскон ар бырыса, чуказеяз ик колхозэ ужаны потылымы.

1942 арын гужембыт, одйг нунал но кельтытэк (выходнойёс сярысь малпанэз ой вал) Голюшурма спирт заводлы 1 метырьемесь артана вандылымы, электропила, бензопила сярысь кылылэм но ой вал, кыынымы бычкиен (пилаен) вандылымы, пильылымы. Котькуд адямилы быдэн 2 м3 артана вандоно ке вал, ми нормамес быдэсьяллымы. Десятникмы бигер вал востэм марке Шакиров. Ас дораз мыныса нянь басьямы. Уг тодйськы ни, со нянь вылэ ужасъкеммы меда, дунэн басьсяськеммы меда?

Кык арнязэ, спиртзавод котыртэм пушкын ужамы, буш бекчеосыз спиртэн тырмытъяса поттамы, валэн кытчы ке но нулдйзы. Со понна быдэн 1 черык спирт сётйзы, тожо уг тодйськы ни но, наверно уждун понна дыр.

Вообщем ужамы гужембыт бесплатно, дышесткон ар кучкытозь.

1943 арын бригадырын ужай. Котькуд юрт. укно ултй ветлоно вал уж вераса. Колхозамы 2 бригада вал. 1 бригадаез уж вераса ортчытозь 1 час ортче. Собре эшшо котькуд коркась ужась ужаны потытэк медаз кылы шуыса, эшшо ортчоно на вал.

Азьло араны вазь пото вал, кыин, сюрлоен арано, жаткаен но аразы. Кут-саськимы «сложной» шуо вал, трактор бергатэ.

Їукна бригадир султэ 3 часын, жытсэ 12 частэк изьыны өм ваньмылэ, вань калыкез сайкатыса ветлоно луэ. Нош милемыз, бригадиръёсыз, уй караул сайкатъяз. Ог вакыт предмы но кышномурт Каменева курортэ кошкылйз, Пешка шуо вал, валасьгес бригадирмы но кытчы ке ышылыз (Еня апай шуиськомы вал) быдэс колхоз пинал бригадиръёс кие кылиз 15-16 аресъемесь маръёс ке вал ми Кайсы Иван шуиськом вал.

Котькуд кыин арасьлэсь арамзэ нуналлы быдэ мерттаны кулэ вал саженен.

Огшоры бригадир тракторъёсыз өз тодылы. Соослэн асьсэлэн тракторной бригадирзы но учётчиксы вал.

Монэ пинал нылэз сельсоветэ совещание но мар лэзьяло вал, ачиз дышем бригадир өз ветлылы. Мон бон пинал адями мар тодй, валай ини.

Монэ пинал нылэз тышкасько вал. Огпол «Кöня пара чулка, пöзь дасязы фронтлы?» шуыса юазы, мон уг тодйськы. Ну бон тышкаськызы: «Бордад полевой сумка гынэ ошыса ветлыны тодйськод» – шуо. Ноку но уг вунэты со бригадирын ужамме, туж секыт потйз. Уйзэ 3 часын гынэ изьыса, нуназе ял карыны выдылытэк, жыт сиськыкум синьёсы кыльбылйськызы, кыиьстым сиськон пуньые усьылйз. Огпол бусыетй ветлыкүм, анай шуэ: «Чаль, Марья, пуктос¹⁰² вöзам выдыса ял кар». Кытын пе со выдыса ял карыны дйсьтод? Кожасько, кин ке адзоз но виноват кароз.

Азьвыл араз 1 ареслы пинал ке но вал, артана коран, бригадирын ужан кадь секыт өз поты, укыр изён пичи сюрылйз бригадирын.

Нуналлы быдэ 7 иськемез бертылймы ке но артана коранысь.

Їукна укно ульсь решётка борды пыкиськысько но умме усисько уже уллякум.

1944 арын колхоз бакчаын ужамы Зина эшеным. 1943 арын, бригадирын ужакум пыд юмылам¹⁰³ пичи тари кеньыр быдзэ урзыса, со бадзым но трос пасьёс луыса вияны кучкиз. Толалтзэ 1 толэзь январь Ижовка (Очвож) больницаын кылли, эм өз луы. Собрере сюрес бырытозь перевозкае ветлылй, озы но эм өз луы. Сйзбылаз предмы 1943 арын, Алнаше нуиз вал. Отын дышетскод но, эмъяськод но шуыса. (конечно пред. өз нуы, мон ачим кучер луыса мынй корт уробо ныре пуксьыса, со уробо пыдсын). Ну бон «Вершитель» тракт вылтй уллясько но, лобыса кадь нуэ.

Отын, Алнашын, 1-2 уй көлыса бертй, улэм өз поты, со вал кадь 3 октябрь. Конечно пыдын.

Озы пыды виямысь монэ колхоз бакчаын ужатоно кариськызы.

102 Ёуч сямен “ряд снопов (расставленных для просушки); бабка; суслон”.

103 Ёуч сямен “голень”.

Со аре 11 августэ анай (сюранай Надёжа шуо вал) кулиз. Нош ик секыт кайгу адзоно луиз. Нош ик Лукерьяен мон сирота кадь кылимы.

Перевязкае ветлэмме вераскымтэе. Пыд юмылме биньыса лэзё выль бинтэн. Со бере нош мынйсько, кырсь бинтме миськыса, берен вайыны косо, бинтёс али сяин жикытгес вал. Мон огпол но миськем бинтме ой нуы, мыным со азыланьлы кылиз. Кема биньылоно луиз на пыд юмылме.

1945 арын учётчикын ужай, медоослэсь арамъёссэс мерталляй. Бусы ужев аранэз кийн трогес арано вал бере, колхозмы 40 адямиез медъяса аратйз. Учётчикын ужам сяна, тйни со медоослэсь арам музэс кёня ке нуналэ люкаса-люкаса мерталляй.

Радио соку ой вал, кинлэн ке кинлэн ке вал дыр но, милям ой вал. Иворъёс кылысь кылэ ымысь-ыме кылйськылйзы. Газетъёслы но кинэ ке, кинэ ке гынэ гожтйськытйзы, ми газет но ом басьялэ.

1945 арын 9 мае война дугдэм шуыса, гуртысен ом тодэ. Зина эшеным Голюшурмае школае мынйськомы. Усо (Муважи) гурт пыр потоно. Гурт пыр потыкумы, пересь Шарип шуо вал, ураме потэм но милемлы вера: «Война дугдэм шуо». Ми ом оске, Загуляева артисткалэн песятаез луэ дыр со.

Азылань вамыштймы. Нокин номыр со сяна верась оз луы ни. Голюшурма пала вуыса, гурезьтй васькыкумы нош кылймы война дугдэм, уг дышето шуыса. Школае вуытэк берыктйськимы. Бертыса но нокутчы ом ветлэ, тулыс ужъёс хозяйствоын трос, чылкытйськон, мон лапас сузай. Зинаез уг тодйськы, колхозын но, школаын но мар каремзэс уг тодйськы. Мыноно вал со школаозь тодоно вал кызьы пумитазы война дугдэмез. Милемлы война дугдэм чын кадь ик оз поты. Нош улон чик оз воштйськы. Ужамы война вылын сяин ик буш, турдодень понна, нянь но уксе но оз сётэ. Бакчамы баджым вал, йыды кизьылймы, пыш кизьылймы. Азыло пышен дйсяськимы тебере пышез наркотик шуо.

Пышез картошка октэм бере пышано вал. Колхоз ужъёсын нокуче гурт пушкысь ужъёсыз ужаны ваньмылоно ой вал. Атай милемыз чукна вазь ик сайкатэ вал толэзь люгытъя пышаны (ышкыны). Пыш пушкын пызэрез луоз вал (посконь) сое азыло йылтйз-йылтйз ышконо вал, солэн сяськаез луэ вал. Нош пышлэн – кенэмез, кенэмез гырын туйыса, кенэм вой пызъырто вал. Кенэм зыретэн, кенэм вйын табань сииськомы вал. Кенэмен кёмеч ческыт луэ, только туж шер йотэ вал со. Чечыен кенэм пöзятэм лэсьто вал, юндырьёсы жöк вылэ пукто вал.

Война кучкон ар пыш кизимы но, пышмес пыч сиыса быдтйз. Со интые картошка мерттймы. Картошка мерттонмес быдтыса, ураме потймы но, война кучкемез кылймы, нуназе вал ини. Люгыт шундыё нунал ик пеймыт луиз кадь.

1946 ар Бригадир кытчы косйз, отчы ветлй ужаны, рядовой уже. Со сяна ревизионной комиссилэн членэз вал. Азъвыл арьёсы но Зина эшеным кани-кулъёсмь дыръя ревизия ортчытъяны юрттылймы, гуртын грамотной адымиос 4 класслэсь трос дышетскемъёс ожит вал.

Одйг пол Постолэ нюлэс корканы ветлй. Мон интые апае, Лукерья ветлылйз, мон гуртынгес ужаллй доре кылылытэк.

1947 ар. Тожо рядовойын ужай. Точно уг тодйськы ни, оло 1946 арые, оло 1947 арын гужеме потыса, йёл нулдй Голюшурмае. 100 курегпуз котькуд хозяйство государственности тыроно вал, бичай сдать карылы, отчет нулдй Голюшурма сельпо канторае. Умой ужам поннам кожасько, простой кышет сётйзы (50 коп.) со понна мон туж шумпотй. Дйськутэ туж алама вал, кёэм дэрем, кёэм азъкышет, пыдам кутэн, йырам керттэм кышетэ льомлет буяса, шунды бастэмын, аслам самой чебер дыры.

Малпасько-малпасько 50 ар пала ортчыса но, оло сельпо кантораын ужасьёс пушкысь ик кин ке но монэ оло жалыса сётйз меда.

Аран дыр вуыса, гужембыт араса, культю керттыса ветлй.

Август толэзэ пумын Виль Тйгырменьсь Микон Натоля агай бусые, культю керттон дорамы вуиз. Кияса районэ Починькае (В.М Салья) 8-9 классэз быдтэм адыми дышетйсьлы кулэ луэм.

Мон чуказе ик (числозэ уг тодйськы ни) мынй Асан техникуме, документъёсме бастыны, причиназэ верай но, жегатэк сётйзы.

Голюшурмаысь 10 класс бырыз но, Зина эшеным 1946 аре Асановской техникуме дышетскыны пыримы вал. 10 нунал ветлйим но дугдйм. Чуказеяз ик колхозэ ужаны потймы. Документъёсмес соку ик курыса но өз сётэ вал, нош али сётйзы.

Табере милям сюранаймы кыкетйез луиз Анна апай. Первой сюранайлэн вортос нылыз вылэм со. Анна апай ик шуим ни ми сое.

Анна апай бусые араны кошкыз, пыжоно нянез гуре ик кылиз. Пыжем нянез гурысь октыса, 4 вал кадь колдыез котомкаям понй, сюрес вылын сиыны пöзтэм картошка, тылпоттон коробкае сылал понй. Вылам тöды вылын пужыё удмурт дэрем но азъкышет, йырам тожо тöды кышет, асьме вурем пурьсь осенний пальто, пыдам тöды ыжгон носки, лыз буям базар чулка но бигер кут кутчай. озы сюрес вылэ котомка ныпъяса, 40-45-50 иськеме пыдын потй.

Ньонюке вуыса, Окыльна апай (чужапай) доры пыри. Чуказеяз Починкае Алексей Терентьевич доры, со Николай Иванович доры лэзиз. (школа заведующей), собере пыдын потыса Киясае Роно-е 25-30 км вуи. Зав. Роно Борисов вал, интыяз öвл. Удядиын кöлыса, берен Киясае мынй, шедьтй зав. Роноез направление сётйз Починька (В.М. Сальинской) школае. 3 сентябрьсен уже

потону. Мынй Тйгырменэ пыр зор ултй 18-19 км. Көлий Тйгырменын апай дорын, пыдам кутчаны колошазэ сётыва лэзиз (азыло колоша дуно пыдкучтан интыын вал), школаыс бертэм берам дйсяллыны посьтэм саесо куэм деремзэ. Мынам вылам сяна дйськутэ ой вал. Озыы кучкиз мынам ас поннам, асме ачим сюдыны кучкеме. Съорам котомкаен ваем няне быриз. Көня ке пол апай дорыс пыжем нянзэ нуи. Пызь басытыны нокытыс но уг сюри. Кукке-соку көня ке кг-ен дышетйсьёслы вузаллязы. Толалтэ Лукерьяен атай 1 мешок зег ваизы. Сое Починька вукоын изй.

Дйськут миськыны майтал өвөл. Творог ву-а сюрроз, ыжгон кырсьпотэм ву-а сюрроз, озыы мисьтасыкымы.

Картофка школаыс бертэм берам көня быгатй октылй, арня нуналэ нунал лумбыт. Нунал лумбыт октыкум Окыльна апай аслаз сиёнэныз сюдылйз. Собре көня ведра картофка мыным сётйське, муржолэ нимаз кыстаз.

Зарплатае 300 манет 1961 арын воштйськемъя 30 вал. Отыс бездетной, подоходной но Заем кельто вал. 1 пуд пызь 200 манет сылэ вал. Сйзыл уксе воштйськиз, декабрь вал кадь. Собре дунтэмгес басмаос потыны кучкизы.

1948 аре дышетскон ар бырыса, пыдам кут кутчаса, котомка ныпияса, кошки пыдын Сарапулэ педучилищее 30 км заочно дышетскыны.

Пыжем няне кемалы уз тырмы шуыса, арня нуналэ, выходное, нунал лумбыт сылй 1 буханка нянь понна.

Отяз умой каризы. Педучилищее нуналлы быдэ быдэн буханка нянь нуддйзы, быдэн 3 ман. вал буханка нянь, нуддйсьлы быдэн 3 ман. тырытйзы. Нуналлы 1 буханка нянь сылй. Педучилищее заочно быдтй Можгаын. Уксёме экономить карон понна, толэзё чоже нянь но чай вылын улылй. Дышетскем понна 75 ман. тырылймы. Мон дышетсконме быдтй гынэ но, бесплатно дышетйзы. Починька школаын 2 дышетскон ар ужаса Тйгырменэ (Дубровской школае) ужаны лыктй.

Татын ик, 1953 арын семья кылдытй Никонов Виктор Алексеевичен.

Арлы быдэ нылпиосмы вордйськылйзы.

1	Никонов Владимир Викторович	19.. ¹⁰⁴ 7 июнь
2	Никонова Роза Викторовна	19.. 3 август
3	Никонова Антонина Викторовна	19.. 5 январь
4	Никонов Игорь Викторович	19.. 6 июнь
5	Никонова Эвелина Викторовна	19.. 11 февраль

24/II-18 г.

Арлы быдэ нылпи ваемысь шумпотйсь өз луы. Нэнэмы туж тышкаськиз, возыттэм шуыса. Одыг верам кылме но азылань өз лэзылэ, весь мыдлань ответ сётйзы. 3-тй нылпие дыръя (со кулиз апрель пумын. 1956 вордйськиз 17/1-56) дядяймы шуиз: «кыतिकе векчи, оти чиге ни». Мынам сюлмы ик шымыртйськиз. Чўказезя атай лыктйз. «Татын ясли, Прокофей дорын но ясли» – шуэ дядяймы. Нэнэмы нянь пыжиз, выж миськиз. Мунчо эстон черод милемлы ой вал ке но, каша мунчо возьмалозы шуыса, мунчо эстйз, туж жадиз луоз. Кыллэсь «зечсэ» кисьтйз. Куазь кезыт учырамен арняяз мунчо өз эстэ. Дорын мисьтаськозы шуиз дядяймы. (кызы пе быгатод али дорын мисьтаськыны).

Начальной школаос 4 классозь вал. 2 дышетйсьлы быдэн 2 классэн ужано. Гуртысьтымы трос техпумьёс быдтэмьёс: агрономьёс, ветеринарьёс, фельдшерьёс, бухгалтерьёс, дышетйсьлы туж өз дышетскелэ.

Вань институт, университет быдтэмьёс. Агроном, зоотехник, экономист, председатель, бригадир но мукет.

Дышетйсьлы интитутэ мынылызы 2 Беспаловаос Алевтина но Людмила. Собрере аслам пие, Володяе, Университет вал ини соку худграфаз дышетскиз. Игорь пие Можга педучилищез быдтйз. Семьямы дышетйсь семья луэм вылэм, пиосы куштйзы школаез. Кык кенъёсы ик дышетйсьёс вал.

Школаын ужай 30 ар дугдылытэк. 1977 аре пенсие келязы. Со бере 5 арзэ арлы быдэ көня ке но нуналэн вошъяй мукет дышетйсьез.

1980 арын 4 толзэь ужай воштыса, стаже 30 арлэсь ятыр луиз. Только чыры-пыры вошъяме стаже өз пыры. Собрере тодй, война вылын ужамез 1 арзэ, 2 арен лыдзо шуыса. Мон азыло ик Райсобесэ война вылын ужаса басьтэм «За доблестный труд в Великой Отечественной войне 1941-1945 гг» медаль удостоверение гожтытй вал ке, эшшо Ижысь архивысь ужам стажме бюджетыны курыса лэзи. Тйни озы ваньмыз ужам стаже 41 арлэсь трос луиз.

Одыг ужын вискарытэк ужам поннам «Ветеран труда» медаль сётйзы.

Ми секретэз но, декретэз но ом адзылэ Марина Семёновнаен. Кузьма Иванович бригадырын ужакуз озы шуэ вал: «Виль кенакьёс первой секретын пуко, собрере декретын пуко, сьорлось лыктэмьёс». Мон аслэсьтым сюанме но ой адзы, олокыче вылэм.

Куке мыл потэ, соку сюан өз карылэ, карылызы кыче ке праздниклы тупатскыса. Милесьтым сюанмес выбор дыръялы тупатйзы, соку выходной сёто, мукет дыръя выходнойёс ой вал гужем но тол но колхозын.

Куке асьмелэн дышетэм нылпиосмы 10 классэз быдтйзы, соку гынэ милемыз вошъясь сюриз.

Значит зучьёс шуэмзэ ми но незаменимой ужасьёс вал.

Тодымтэ, валамтэ адямиос шуо: «Тынад мар адземед вань, тынад мар

ужамед вань? Кияд саник, лопата кутыса өд ужа, ручка кутыса гинэ пенсие потйд». Мон валамтэ адымиослы валэктыны уг тыршиськы. Нылпиосы пичи-ес дыръя ясли-сад ой вал, нянька медъяса утись вози. Пудо вордытэк но өз лубы, кыче секыт вал мыным, ачим гынэ тодйсько.

1957 арын «Выль ураме» яна потймы Викторлэн Лёня выныз вал бере, пересьёс соин кылёзы кожаса. Виктор кулыса усылйсь, кулйз ке монэ пыдй-ылам нылпиен Володя, Роза вал ини поттозы шуыса.

Нош Лёнялэн гуртын улэмез өз поты, кошкиз. Пересьёс ас кожазы кылызы. 1970 арын дядяймы кулйз, нэнэмы 1 арзэ огназ улйз, визьмыз сураськиз. Нэнэмес дорамы ваимы, коркамы пичи вал, изён интымы уг тырмы, 8 кузя семья люкаськимы.

Володя 1970 аре Иже университетэ худграфаз дышетскыны пыриз. 1974 арын кышнояськиз Алевтина Абрамовнаен семьямы нош 9 кузя люкаськиз. Выль корка баджым лэсьтыса өмгес вуттэ на вал 9 апреле нэнэмы кулйз.

Роза август толэзе Ижевске кошкиз, ужаны пыриз радиозаводэ, али но отын ик ужа.

Тоня дас классэз дышетскыса, 1 арзэ Лутоха школаын ужаз. Собрере кошкиз Чайковской политехникуме дышетскыны.

Игорь 1974 арын кошкиз Можга педучилищее дышетскыны.

Володя 1975 арын университетэз быдтйз, Алёша сйзбыл вордйськиз (1974 ар внуке) семьяеныз 1975 арын кошкизы Лутохае. Кенэн кыкназы ик дышетйзы.

Баджым коркаймы 3 кузя гынэ улыны кылимы на, сйзбыл 1974 аре 17 сентябре пырим Виктор, мон но Эля. Тоня выходнойлы бертылйз, Лутохаын Володяос дорын улйз.

Тоня Чайковской политехникумез быдтыса, направлении Красноярске кошкиз, 1979 аре, отчы ик семья кылдытйз. 2 нылгёсыз будо. Маша, Саша.

Игорь Можга педучилищеез быдтйз 1978 арын. 2 толэзэ Дубровской школаын ужаса, 27 октябре армие келямы. 1979 арын 8-9 мае кошкиз Күбае. 1980 арын армиясы бертыса, 1982 арын кышнояськиз. Вордйськиз Алёна внучкае. Семья каллен будйз.

1987 арын, декабрь толэзе кошкиз Калашуре. Ми нош ик 3 кузя гынэ кылимы: Виктор, Эля но мон.

Тулыс 1988 аре льёмпу сяска вакыт, аслаз ныл чебер, шулдыр дауреныз люкиськиз Эля. Малпамтэ шорысь закройщиклы дышетскись адыми бызиз Ёргилы, асьме гуртэ.

Кылимы Викторен кыкнамы. Кык кузя туж умой вал на улыны, кустын кенешыны, чөшен ужаны, куддыръя тышкаськыны.

Но озы улыны трос ик өз кылды. Виктор висыны кучкиз. Операцияе сюриз, пенсие потыны вуытэк 1993 аре секыт висыса 20 июле кулйз, та баджым

коркаемы огнам улыны кыли. Гужем ураммы туж шулдыр, садо, вож гуждоро, тузон өвөл, машинаен ветлйсь өвөл. Толалтэ мон туж палэнэ кыли. Колонкае вулы ой пота ке, воксё пытыы уз луы. Оксинья дорозь пыдын ветлон сюрес.

Виктор шуоз вал: «Ул Виль урамад». Вот кыли ик «Виль урамам улыны».

Пенсийн улйсько шуыса, тазалыке вань дыръя, одйг но тэк уг улйськы. Пудо вордйсько, сюдйсько, люктасько. Ваньмон дыръям черсийсько, керттйсько, кырсь поттыса носкиос, пöзъёс сётъясько внукъёсылы, внучкаосылы.

Соос али 11 кузя.

1.	Никонов Алексей Владимирович	19.. ¹⁰⁵ г.
2.	Никонов Антон Владимирович	19.. г.
3.	Никонова Анна Владимировна	19.. г.
4.	Никонова Алёна Игорьевна	19.. г.
5.	Никонов Роман Игорьевич	19.. г.
6.	Никонова Венера Игорьевна	19.. г.
7.	Пивкина Мария Юрьевна	19.. г.
8.	Пивкина Александра Юрьевна	19.. г.
9.	Беспалов Руслан Георгиевич	19.. г.
10.	Беспалова Елена Георгиевна	19.. г.
11.	Никонова Юлия Михайловна	19.. г.
12.	Беспалов Павел Георгиевич	20.. г.
13.	Никонова Марина Игоревна	19.. г.

Эустари кеяса ваньзэ-өвөлзэ 37 борд пыдул лёгетъёс (половикъёс) куылй, метрен вераса, 194 метр. Диван шобыръёс куылй ог 10-со. Подшторникъёс строчить карылй ог 15 пара. 2 ковёр пужыятй, 3-етйзэ крестикен. Эшшо ог 5-6 азыкшеш дуръёс но койка дуре ошыны простынь шуылймы строчить карылй.

Мон калык пушкын улыны дышем адями, калыкез адзытэк мөзмисько. Ас поннам кырзасько, кырзам амал бордйсько. Вакытэн-вакытэн нылпиос бертылыса кошкыку, нокутчы пырон инты шедьтоно өвөл. Огшаш улыса, нош дышисько.

1975 арын, война дугдэмлы 30 ар тырмонлы, пересъёсын концерт пуктймы асьме клубын. Собрере чюказеяз Калашуре ветлймы. Гужеме потыса май толэзь пумын Киясае. Сйзыл Сарапулэ зональное ветлймы Ермолаевое от-

105 Мария Павловналэн нылпиосызлэн куремзыя, вордйськем арьёсы уг сётйсько.

чѣтной собрание. 1975 арын 12 декабре телестудие ветлймы.

Азьлоосыз фольклорной коллективысытымы мон огнам кыли, азьлань-тйсько ветлыны. 1985 арын Война дугдэмлэн 40 ар тырмемезлы туж бадзым коллектив люкасыкыса концерт пуктымы. Соку «40 лет Победы» медаль сѣтъ-язы.

Дышетскемысытым номырзэгес ик ой гожты кадь. Гожтй вал, дышетскон арѣсы 2 арез огшоры быризы.

1941 аре 6 классэ нош мынй. Мынам огиньын дышетскем эшгѣсы 7 классэз быдтыса кошкылйзы, трос өвөл соос.

Мон Ижын улыкум тазами, будй. Финляндиен война кучкиз, урамѣсыз десятидворкаослы люкылйзы. Пыжем нянез паен вузаны нулдйзы десятидворкаос. Котькуд адямилы аслаз пуйыяз тыро вал, пуйы вылын ним гожтэмын. 1 пуйы 2 адямилы ке, быдэн 600 г нянь, одиночкаослы быдэн 800 грамм. Озы паек нянь сиыса будй, куаи.

Одйг классын дышетскись эшгѣсы мынэсытым 2 ареслы пичиесь, монэ анай шуыса исало. Азьло каза шуыса исало вал, но клубе шудыны потасько ни вал ке но, пиос каза шуо вал.

7 классозь удмурт класс нимаз вал. 7 классын удмурт но зучѣсыз огине каризы, ну бигерѣс но вал. 5 классэ гынэ трос мыно, собере каллен-каллен күлэсмо, обязательно 7-ез, яке 10-ез быдтыны уг косо вал.

8 классын туж бадзым луиз классмы. Трос беженецѣс дышетскизы. Соос пушкын туж шаплыесьѣс вал. со вал 1943-44 арѣсын. Чукналы быдэ «Советской Союзлэсь Гимнзэ» кырзаллямы дышетозямы.

Немецкой кылэз дышетймы. Лыдзыны но гожъяськыны шаплы быгатйсь-ко вал ини готической шрифтен но, табере вунэтйськем ини. 1, 2, 3... шуыса 100-озь лыдзиськисько уин умме сайкиськыса, умме усьыны курадзкум.

Немецкой уроке пырыку, немец сямен зѣчъяськиськом. Гутэн таг!

Огпол классэнымы кенешимы, немецкиен дышетйсь пырыку «Широка страна моя родная» кырзанэз немец сяин кырзаны. Шонер-а, өвөл-а? 1 куплетсэ тодйско на. Только немецкой букваосын гожъяськыны вунэтй.

Хаймай лянд кайн файн
 Золь дих ге форден
 Тойрес лянд дас унзре либе трегт
 Ден эс гибт кайн айнэс ауф эрдэн
 Во дас херц зо фрайдэн
 Меншен шлегт.

Военной делоем но туж трос часъёс, нуналлы быдэ 3 урок. Винтовкаез сэрттыны, тырыны, сузяны быгатано. ППШ¹⁰⁶ пулемётэз дышетйзы. Врач рецепт гожъяны дышетыны ветлйз, граната лэзьяны, противогазэн ветлыны, изьяны но куштыны.

8-ын ик дышетскыкум, зуч пиос пельпумме висен мертало вал но «У Стахеевой ожирение сердца!» – шуыса кесяско вал. Пальтомес кельтытэк пукиськом вал урокын. Кин ке со гынэ кылылэ. Пальтое пиосмурт пальтоез тупатыса вуремын, урдсэйтйз зок.

Классамы беженец Эфрос Манаил шуо вал. Солэн авторучкаез чернилаен гожъяськоно. Ми марлэсь но солэсь мырдэм но кызы чернила лэсьтйськомы. Чернила посудамес киямы кутыса гынэ возиськомы. Эфрос туж сак улэ. Киямы өвёл дыръя, живо гынэ черниламес кыске, собере ми чернилатэк кылиськомы. Гожъяськыны 1-2 перо гынэ вузало вал арлы. Тетрадьёс контрольной ужъёслы гынэ. Мукет предметёсын кин кытчы быгатэ, отчы гожъя. Мынам химиен тетраде лоторейной билетлэсь вал.

Лёгор агайлэн 70 арес тырмемезлы сйзъыса гожтй вал.

Адзйськымон интые борддоре,
Оши бадзым портреттэ.
Чебересь, сзэсь синъёсынды тон,
Адзйськод котькинэ, котьмае тон.

Анай, атаймы кемалась өвёл,
Кышноед, нылпиед өвёл.
Анай, атай нылпидэ воштыса,
Улйськом буре вайыса.

Кыче шулдыр улэм Ож заводэд,
Öй тодмасал бертысал ке,
Пу коркаосыз, юрт-ерез,
Вошто бадзым из коркаос.

Туж бадзым ужам мотозаводэд,
Басьтэмын быдэс кварталэз.
Тонэ адзёнэн ялан малпаса,
Кошкисько вöзтйз мон вамышъяса.

106 Пистолет-пулемёт Шпагина. 1940-тй арын советский конструкторен Г.С. Шпагинэн разработать карем пистолет-пулемёт.

Быремедлы 42 (55) ар тырмиз (1995 арын)
 Вордйськемедлы 70 (83) (1995 арын)
 Ми луим песянай но чужанай
 Тон луысал песятай но чужатай.

Лёгор агай Финляндие войнае кошкыкуз мотозаводысь кошкиз. Ижевск городэз азьло Ож завод шуо вал.

Натоля агайлэсь кызыы быремзэ гожтйськымтэе. Пичи агай Натоля, снаряд усьыса сые согиськем. Отысь поттыса, госпитале нуиллям. Госпитальын со кулэм. Алнаш районысь ик Ляли гуртысь пи аджем. Атай со Ляли пи доры ветлиз адзыны, вераськыны. Со раниль луыса бертылэм. Собере нош ик войнае кошкыса бырем.

Таиз кык агайёслы ик (быремъёслы) всяк пинал казак кылемъёслы

Адзйськымон интые борддоре,
 Оши бадзым туспуктэмдэс.
 Чебересь, сзезесь синъёсыныды
 Адзйськоды котькинэ, котьмае.

Анай, атаймы кемалась өвёл.
 Кышноды, нылпиды өвёл.
 Анай, атай, нылпидэс воштыса,
 Ульйськом буре вайыса.

Кычеесь нылпи ми будэтймы,
 Кычеесь юртъер ми лэсьтылймы.
 Бертысалды ке тй адзысалды,
 Адзысалды ке тй паймысалды.
 50 ар тырме война дугдэмлы,
 Тй всяк пинал (арлыд) кылиды.
 (Тйледлы бадзым арес тырме).
 Ми луимы песянай, чужанай,
 Тй луысалды песятай, чужатай.

«Кыче умой яратыны» кырзан гурен кырзасько.
 Урамъёсын чебер пиштйсь тылгёс кучконэз.

Туннэ 29 январь 2021 ар.

Война вылын кызбы-мар сиеммес ой гожты вал. Та тетрадам дыртыса-гес гынэ вакчиякгес гожъяй. Бадзым кен косэмен. Анюта нылызлы война вылын песязлэн ужамез сярсы гожъяно луэм. Чошатйськыса, кин умой гожтоз. 1-ой инты басьтоз. Куликова Валя гожъям Беспалов Веня сярсы. Афганистан войнаын быремзэ. 1-ой инты бастэм. Война вылын көня ке но нянь (тысь) люкиллям дыр ини. Толзэ нянь сиимы, мон дышетйськыны ветлей бере, сёрам нянь нулдй. Тулысэ вуыса нянь бырылйз. Ог-кык ар тулыс бусысы сисьмем картофка бичаса сиимы. Колхоз 70-80 га мерттэ вал. Атай Лукерьяен монэ Гарги зуч гурт бусые чукна вазь султуса, сисьмем картофка бичаны нулдйз. Одыг ар Чумолё гуртлэн октоно картофкаез бусыязы кылем. Сое кудмындаен ке но люкиллям. Одыг сотых-а жыны-а? Милям Анна апаймылэн Люба чужапаез Чумолёын улэ вал. Пересь анаенызы гынэ. Картэз войнае мынэм. Со аслэстыз пайзэ милемлы сётйз. Ми Лукерьяен кыкнамы октыса Кузёбае ваимы.

1936 арез соин тодйсько:

Кизем ю-нянь вуэмын. Уг тодйськы ни зег кыче вал. Чабей зег бере вуэ. Чабеез номырин но араны уг луы: жаткаен но сюрлоен но, со вись¹⁰⁷ кузьда гынэ будыса, аран дырыз вуэм. Етйнен кыин ышконо ке, сое небыт музьем вылэ, маин быгато соин кыедаса кизё. Нош чабей му туж чурит. Тйни со чурит му вылысь вись кузьда будэм чабеез, етйнез сяин ышкыны ветлеймы сюр-анай (Наадёжа) сёры.

Нянь өз удалты, колхоз нянь өз люкы. Сйзыйл огпол Голюшурма гурезь бамалэ тыпы мулы бичаны ветлеймы, изыса пызь карыны.

Сюранаен Анна апай толбыт пашпу гуры бичаса ветлейзы, лымы лёгаса. Тыпы мулы пызь но, пашпу гуры көмеч но ческыт ой вал. Ньюло¹⁰⁸ сул бичаса, кораса, куасьтыса, лы куасьтыса пыргытыса изылйзы. Лы көмеч ческыт вал.

Школаын шыд сюдылйзы, пичи пыжем нянь сётъязы 1936-37 дышетскон аръёсы 3-тй классын дышетскимы.

Анна апай колхозын ужакуз тожо куке-соку нянь сётъязы. Анай дорынгес улйз.

«Ваньды пичи ке но нянь сииськоды, мон гынэ одйг ымтыр но нянь верьятэк улйсько (зег нянез тодьы шуиськом)» – шуэ. Атай бон колхозын вылымтэ на-а мар-а? Кинлы но солы мар но со лэсътэм ке тодьы нянь верьям дыр шол.

1936 оло 1937 арын колхозэ пыриз со.

107 Зуч сямен “четверть, пядь (мера длины, равная четырём вершкам)”.

108 Зуч сямен “ильм/вяз, ильмовый”.

Атайлэн аслаз атаез Игоня. Игонялэн атаез Иван вылэм. Ёмка Марпа апай вераз. Игоня Матвеен братъёс выйлллям. Сузэр апайёсыз но трос: Анна, Вара, Марпа, Педосья.

Игонялэн пиосыз: Илья, Паша, Кикон.

Нылъёсыз: Одотья, Лукия, Палагей.

Игоня грамотной вылэм, судья вöзын ужам. Игонялэн атаез Иван вылэм лэся. Атайлэн аслаз вöрдэм анаез Сальялась. Лесовъёс дорысь вылэм.

Кучконэз вылынгес.

29 январь 2021 ар

Сисьмем картофкаез ведрае вуэ поныса возем бере чылкыт миськыса, паласа, нушыен нелькыса, кыин көмеч кадь лэсьтыса, кортгур борды лякылыса пыжыса сиылймы. Со ческыт вал, пот¹⁰⁹ көмеч сярысь. Гужеме потыса, кушман куаръёсты пöзьтыса көмеч пыжылызы. Нюлэскысь нюло сулэз вайыса кораса куасьтыса изылызы. Куддыръя изыкузы зырдаца жуаны но кучкылэм. Уг тодйськы ни. Көня арын вал, война дугдэм бере, чырсам аръян гынэ няньтэк сиыса культo керттылыны ветлй.

Нэнэе асьме гуртысь ик (Ньöнюкысь) Рыбак Гиргорей вал чужатае. Чорыгась вылэм, соин Рыбак шуиллям. Чужанае Сальялась, Исарысь.

Нылъёссы: Огыр, Лукия, Анна, (Нука шуо вал нэнэез), Устйня, Окыльна.

Пизы одйг гынэ туж чебер вылэм, Петька нимо. Пиналысен армие кошконо адями кулэм.

Чужанае Салья ныл Исарысь вылэм.

14/XI-18

Рыбак юртэ одйгез нылзы кылиз. Окыльна чужапай апай гынэ шуылймы. Солэн 4 пиосыз вал Лёгор, Петя, Олексей, Бачык, 1 нылыз, Саня. Лёгор вал врач, пырак скоройын ужаз. Ижын улйз. Отчы ик кулйз. 1 пиез кылиз военной пе. Бачык арми радэ Свердловске нуизы вал. Отчы ик арам луыса быриз. Отын ик ватэмын. Саня кулйз 2016 арын 10 феврале. Пиез Славик, городэ нуиз вал. Кема ик улыса öз вуы.

Петя гуртын, юрт кузё луыса улйз. Кышноез Юля кулйз. Петя огназ улыны öз быгаты ни но Иже Вова пиез дораз возиз. 2018 арын 10 февраль толзее 94 аресэз тырмыса, жыны ар висьыса 30 июле Юрмалай шае ватйзы.

109 Эуч сямен “лебеда”.

Сюранай Надёжа, Гава Надёжа шуо кык агайёсыз Петыр но Иван выльл-
лям. Граждан войнае быриллям. Анайлэн Оксинья нимо сузэрез Усое Кузьма-
лы быземын вал. Кузьма кырси войнае быриз. Одйг гынэ пизы кылиз. Гирыш
нимо. Солэн кышноез Аннок Усоысь ик. 7 дыр нылпизы. Гирыш кемалась
өвөл ни 1973 арын ветлыкүм ой вал ни, фамилязы Бурдин.

Сюранай 5 пиё мурт доры Кузёбае ик бизыса, Миконорез дораз ваем. Со
визьтэм луэм. 5-а мар-а нылпи вайыса, уйлллямтэ. Детдомысь 12 аресъем
Анна апаез вордыны басьтйллям.

Анна апай (2-тй сюранай) Алнаш районысь ик Актэмырысь (зуч сяин Ел-
кибаево шуо кадь).

Анаез Съод Ошмесэ (Кузёбайлы кыдэкин өвөл) бызем. Анна анай оло
көтаз, оло вордйськыса мынэм анаез съёры. Атаез Актэмыре ветлэм, Анна
нылзэ съораз басьтыса. Берен Съод Ошмесэ кошкыкуз, нюлэскы куштыса
кельтэм. Сое шедьтйллям но, чужмуртёсыз детдоме (приют шуо вал азыло)
сётйллям.

Съод ошмесын Устинья нимо сузэрез кылемын вань.

Анна апайлэн 2 законтэк ваем нылгёсыз. Дарья но Августа. Августа кулйз
Волгоградской областе. Кылизы Люба нимо нылыз но пиез, нимзэ вунэти.
Любалэн пе 2 нылпиез.

Дарья улэ Лялиын. 3 пиосыз. Одйгез законтэк вордйськемез Витя. Кузё-
бае атай юртэ, милям будэм юртамы кылемын. 2 пиосыз Лялиын, Игорь но
Вася. (Шорниковъёс)

Анна апаен но атаен Алнашын Толя пизы, вынмы улэ. Солэн кык пиосыз:
Олег но Вова.

Олег кышнояськемын нылпизы вань, вунэти, ныл-а, пи-а? Ныл Оля.
Кузьымгуртэ быземын Верка сузэрмы. Солэн 1 нылыз Лена, тазалыкез ляб.
Кряжевъёс.

Кузёбае кылиз Надёжа анайлэн Гаврилов фамилиез. Гаврилов Витя. Паш-
кин шуо. Атайлэн Починька фамилиез кылиз Алнаше. Толя вынмы пиосыныз
Стахеев фамилиен ветло. Олег но Вова. Олегаэн кышноез Лена вал. 2017 арын
кулйз. Нылыз Оля.

11/VII-18

Аслам родной апайёсы: Офнасья но Лукерья.

Офнасьялэн гынэ Коля пиез вал, кулйз.

Колялэн 2 пиосыз: Эдик но Витя, нылыз Оля.

Лукерьялэн 2 нылгёсыз: Зоя но Маня. 1 пиез Миша.

Азылантйсьско 29 январе кучкемме. 30/I-21

Улон война дугдэм бере но өз воштйськы. Только пиосыз гынэ өз нуылэ ни. Бертйзы кӧняез ке гынэ на ранить луылыса. Кудйз пал суй, кудйз пал пид луыса. Дас ар кыстйськиз на сыче улон. Нюлэс кораны ветлймы на, война орчем бервылэз лэсьтоно вал. Мон 10 ар заем тыри на «Для восстановления народного хозяйства». Колхозын но нянь бусьтыр өз сётъялэ. Налог трон но озы ик тырими. Сталин кулэм бере Маленков указ поттйз, налог тыронлэсь мозмытйз. 40 кг сйль 90 курегпус 100 л йӧл пудо вордэмлы налог, ыжгон, ыжку, заем, бездетной. Котыкытысь уксё шедьты.

Виктор ласянь чик ой гожты на. Дядяймы Ладё Олексей. Ладё Порысь кышно вылэ лыктэм Маркоос шуо вылэм. Ладё, Илья, Сергей выйлллям. Микита Ильялэн нылпиез вылымтэ.

Сергейлэн нылпиосыз: Матвей, Миша но Пор Марья (94 арес ини).

Ладёлэн 1 пиез Олексей но 1 нылыз Одокей. Одокей апай Куҷосэ быземын, нош 1 пи Олексан но 1 ныл Зоя (кылтэм). Олексанлэн 1 гынэ пиез Толя.

Ладё Олексейлэн 6 нылпиосыз:

		ворд.	кулэмын
1	Прокофей	1913	1994
2	Матрон	1914	2001 3 ноябре
3	Осьып	1924	2014 20 июнь
4	Таня	1929	2016 17 июль
5	Виктор	1932	1993 20/VII
6	Лёвонь	1942	2015 – сентябрь

Прокофейлэн 7 нылпиосыз: Валя, Гено, Аля, Зина, Коля, Лида, Илья. Галя 1-ой кышнолэн Аркаш пиез.

Матрон Прокофейлэсь Аля нимо нылзэ будэтйз, аслазэз өвӧл.

Осьыплэн 2 кузя: Люба, Вова.

Танялэн 2 кузя: Люда, Саша.

Викторлэн 5 кузя: гожтй ини.

Лёвоньлэн 2 нылгёсыз: Лена, Таня.

Нэнэмы Дарья

Нэнэмы Исакгёс дорысь. Трос выйлллям соос: Орина, Марпа, Ёинок, Сандро, Дарья, Огафия, Осьып, Полькар. Нэнэмы Гирышгёсын яна потэмьн. Кыче ке но нылпитэм Сергейлы вордыны сётгыса будэтйллям нэнэмес.

Ваньзы кулэмын ини. Самой пичиез Огафия 1993 арын 3 сентябре кулйз 85 арес тырмиз. Нэнэмылэн нэнэзы Вужгуртысь (Калашурысь) Гурезь йылысь Пересь Осьыпгёс дорысь вылэм.

Выльысь азылантьсько.

Туннэ 5 июнь 2012 ар.

Улйсько огнам, нылпиосы кин кытчы таралйзы. Туж мёзмисько огнам. Чипы басьтй, соосыз сюдйсько, возьмасько съось тылобурдоослэсь. Пересьми, 86 аресам мынйсько. Пидэсьёсы висё, мырдэм ветлйсько, губыртйськи, синьёсы бус пыр гынэ адёо на. Шур съёры мырдэм но кызы потасько. Потанме потйсько, бертыны кайгырысько, кызы дорам вуо шуыса.

Роза Юля нылыныз Ижын уло. Соос ёем бертыло, мыным юрто, туж трос ужёсыз ужаса кельтыло. Кошкыкузы ураме потыса, берзы ышытозь учкыса кылысько, синьёсы алама ке но адёо. Кошкэм беразы шим-шим кыле, собере нош дышысько. Калык пушкын улэме потэ, огнам улыса мёзмисько, котыр укноостй, котыр дунне ке но адёиське. Нокин пукыны уг ветлы, ачим но шер потасько. Педора Маня кино адёыны куке соку ветлылэ.

Володя тожо ёемгес ик бертылэ. Игорь матын ке но улэ (Посёлокын) шер бертылэ, дыртыса гынэ. Эля гуртын улыса но шер бертылэ, ужзы трос, семья вань. Павлик (10 арес) 4 классэз быдтйз, ёазегпи возьмамез ке уг поты, Тимуровец кариськыса ёужанаез доры пересь анайзэ алдаса пота. Куддырья мар но со ужаськомы. Тйни озы кошкыз улон. Эля Ленаен бертйзы. Адямиос пе помидорзэс мертто ини. Помидор мерттйзы, вань кубыста кияр вылэ ву кисьтаса кельтйзы. Лена гуртын дырья шуыса. Университетын дышетске. 2-тй арзэ пыр потыны экзамен сётоно немец кылын пе.

15 страницае гожтйськем, Тйгырменэ Коляез утыны кызы мынэмме тодымтэе: тодам лыктйз улыса-вылыса. Наталя агай монэ Кузёбае келяса, улыса кошкыз луоз сразу Иже. Мон пичи агай Наталя съёры ой мыны Тйгырменэ, монэ атай келяса кельтйз.

Надёжа анаелэн тазы верамез тодам ваи. «Марья, Лукерья, пичи агайдэс келяны султэ». Озы-а? Мон малпай: «Пичи агаен али огиньын улй, марлы келяны султом?» Умме ой вормы султыны. Собере анай (сюранай) шуиз на: «Наталя капкаез усьтйз но, юртэз котырак учкыз кошкыкуз». Вот со кылёсыз кылыса, мынам сюлмы ик шымыртйськыз. Пичи агай жаль потйз. «Малы меда иземысь султйськымтэе?» – малпай. Пичи агай, машинаен яке автобусэн өз кошкы. Огырчиозь пыдын, отизэ поездэн кошкыз. Соку автомашинаос, автобусёс ой вал.

Али 10-11 январе Ермолаевое ыжгон туганы ветлймы Катя туклячиен.

Натоля агайлэн Бибарыс Насъта апай вöзын улэмез сярысь трогес тодэме потэ вал. Юри пырай на вал юаны-вераны. Насъта апай чик кызы вераны уг тоды ни. Низылиен шьдэз яратэмзэ гынэ вераз пичи агайлэсь. Лебедино склад вöзын вераса-вераса бөрдэмзэ верай но, паймиз Насъта апай: «Сыче вераськыны быгатйз-а? чик вераськись ой вал» – шуиз.

Али тодам ваисько. Кыче вал меда агайлэн сюлмыз, огназ кылем сирота пиез понна?

1935 арын Сабанчиное медъяськыса араны ветлйллям, таизэ Вуж Прокофей кышно Маня апай вераз: «Апай, ойдо аралом ини, эшгёсмылэсь кылиськом» – шуэ пе Натоля агай 14 аресъем пияш. Апай изе лэся. Нёнюкысь ыжгон тугыса бертон дорамы Маня апаен Галя вуизы но «Толон жыт гынэ Галялы Сабанчиноын араммес вераса пуки» – шуи Маня апай.

Войналэн дугдэмезлы 30 ар тырмыку концерт пуктймы пересъёсын. Первой ик та кырзанэн кучкымы: кылгёсыз Маток апаен Абрам кышно Анна туклячилэн. «Кырзан дасякум коркалэн огпалаз Абрам бөрдэ, мукет палаз ачим бөрдуса кырзаса» – шуэ.

Беглойлэн гуреныз кырзамы.

Воргоронгёсмес келям,
Ми Герман войнае.
Соослэсь ужгёссэс,
Ми асьмес ужамы.

Жужыт гурезь йылгёсын,
Курыт гумы будылэ.
Соослэн пайёссы
Чуж сяська луылэ.

Милям ой вал трактормы
Милям ой вал комбайнмы
Герыен гыримы
Сюрлоен арамы.

Жужыт гурезь бамгёсын,
Узы-боры кисьмалля.
Соослэн пайёссы,
Куар улаз куасьмылэ.

Воргоронгёсмес возьмам,
Ми 30 ар чоже.
Соос өз бертэ ни,
Быризы войнае.

Сьöd нюлэс шоргёсын,
Сьöd сутэр кисьмалля.
Соослэн пайёссы,
Выжыяз куашкалля.

Мар со война шуиськом вал,
Мар со война шуиськом вал.
Герман война лыктйз,
Милемыз огнамес кельтйз.

1931 ар 2 август Усоляе келязы Дедюхино гурт.

1932 ар Келяськемысь бертймы боры вакыт.

1933 ар Дорын дыръя анай кулйз. Феврале. Март толэзе-а мар-а? коркасытмы поттйзы. Патере Ионэ потймы. Апрель пумын нэнэ кулйз. Собрере 2 коркаен ик тифен висимы 3 толэзь дыр.

1934 ар Патерын ик толэз потймы. Тулыс ваньмес коркась поттйзы. Кеносын кёламы, куалан сиськимы. 10 августэ Оринамы кулйз. Ыжгидэз коркаез лэсьтйз атай. Лукерьяен 1-ой классэ мынймы.

1935 ар. Сальялась Илья агай Лукерьяен монэ Кузёбае, мурт дуннее, мурт семьяе нуиз.

1936 ар. Гужем трудодень понна сюранай сьёраз культо керттыны нулдыз. Сйзбыл колхоз картошка бичаны сьёраз. Нянь өз удалты. Тыршеммы огшоры луиз.

1937 ар. Толбыт пашпу гуры көмеч сиимы. Школаын шыд сюдйзы, пичи нянь сётъязы. Анайлэн Оксинья сузэрэз, Кузьма кырсиен люкиськыса, Гирьш пиеныз Кузёбайын ми дорын улизы. Гужем нянь удалтйз.

1938 ар. Нянь сиимы. Анай Тйгырменесь апаез куно отчаз. «Таёе улонэз уг ик адзы ни кожай вал» – шуиз. Ныль классэз быдтймы. Агай армиысь бертйз.

Сйзбыл мон 5-тй классэ Голюшурмае мынй Лукерья колхозын ужаны кучкиз дыр 13 арес.

1939 ар. Пичи агай Ижысь отпуске потыса Кузёбайын улйз. Кошкыкуз со сьёры ми но асьме гуртэ бертйм дыр. Апай доры Тйгырменэ ветлймы дыр. Уг тодйськы ни.

Сйзбыл атай монэ Иже нуиз. Нянь өвөл шуыса. Агайёсыд дышетозы но сюдозы но шуыса. Декабрь толэзе агаез младший командирлы дышетйзы.

1940 ар. 14 январе агаез Финлянди войнае келямы.

Пичи агаен мунчое нуизы агаез. Потэмзэ возьмамы но өз поты. Мукет палтйз дйсьяса поттйзы-а мар-а? Соин люкиськеммы со луиз. Кёня гожтэт лэзиз уг тодйськы ни. Огпол мурт адымилэсь басьтймы. Пуро пи вылэм эшез, ты дуре ыбизы шуыса гожтйз. Пичи агаен туж бёрдймы. Мон дышетсконме быдтй, пичи агай отпуск басьтйз. Монэ берен Кузёбае вайыса кельтйз вал. Бертыкумы Киясаысь агаез шедьтймы. Борис кырсиез лагере келязы. Сйзбыл 6 классэ ветлыны кучки но, кезеген висыса аре быриз. Сйзбыл пичи агаез армие басьтйзы. Дальний Востокин служить кариз.

1941 ар. 22 июне война кучкиз. Пичи агай сюрес вылысен гожтэт гожтйз, войнае нуо шуыса. Кёня гожтэт басьтймы уг тодйськы ни. 31 августэ 1941 арын ожын быриз.

1942-46 арозь толзэ дышетски, гужемзэ колхозын ужай.

1947 арын колхозын ужай. Гужем август толзэе Починькае дышетыны бертй. Сйзбыл толэ декабрь толзэе уксё воштйськиз. Товар басмаос потйзы. Гужем 1 толзэь заочно дышесткыны ветлй.

1948 ар. Январын Киясае конференцие ветлймы. Тодьы фланель басма басьтй. 1 кг канфет басьтй. Киясаысь Тйгырментй асьме гуртэ бертй. Апай 1 макес ыжпи сйль сётыса лэзиз. Мон канфетме ваньзэ апайлы кельтй. Сйль-тэк-вйтэк кос шьд но картофка сиыса улй. Сйзбыл Октябрь празднике пер-войме сюанэ ветлй. Мрат кенак отиз. Рыбак Петя но соку кышнояськиз. Соку сюан но ярашон гуръёсыз дыши.

1949 ар. Вуж Тйгырменэ, Вавиллы бызи. 12 мартэ.

1950 Вавиллэсь люкиськыса кошки 14 февралэ. Апай дорын улоно кариськи. Улэме мукет тетрадьын гожтэмын.

1951 арын Вьль Тйгырменын ужай.

1952 арын Вьль Тйгырменын ужай.

1953 арын Викторлы бызи.

1954 арын Заочно дышетскемысь бертй но, дядяймы «колхозэ ужаны потоно кен» – шуиз. Колхозэ потй турнаны. Макшак нюке. Валэн мынймы. Солдатка кышноос дотово жож кырзанъёс кырзаса мынйзы. Нуназе бере яр карыны мыныкумы «Котыд урод-а? Маня» – шуэ Жагзи апай. «Оломалы коты урод» – шуисько. Виктор кулыса усыйлйсь вал но кебитын тыл вылэ усёз шуыса, муш садэ ужаны косйз дядяймы. 3 но жыны толзэь эмъяськиз. Апай люкиськыны косыса визьтэм кариз. Люкиськыса, Миконэ патере потыны косэ. Сола корка лэсьтыны кулэ, мынэсьтым но аслэсьтыз скалзэ вузаса корка лэсьтоно.

11/VII-18

1956 ар Январь толзэе нылы вордйськиз. Апрель пумын кулйз. (Тоня) Бёрдыны уг быгатйськы, гуньдй. Кулэм бераз но Киясае мыноно луоз шуыса Надя Киясае лэзиз. Отын сюрлыаз укол сётйз. Лидия Николаевна шуо вал детской врачез. Чутыртыськиз но сразу кулйз нылы. Терентей Кладьяен Олёна (чужапай шуиськом вал) соослэсь кепыр вайыса-а, мар-а? бёрдыны ой быгаты. «Что за мать! Ни одной слезинки» шуэ детской врач. Висёнэз минингит шуиз.

Киясаысь Кузьма Ивановичлэн валаз бертй Покровозь. Чапак Степан Кузьмаез адзи. Викторез лыктыны косй но вуиз. Нэнэмы миськиз, дйсямы, пичи ящик лэсьтыса понйзы. Кунулаз поныса Викторен дядяймы шай вылэ нуыса ватйзы. Прокофей агай лыктйз но паймиз: нокин но нокрыче уг кариськы. Малы бон нокин но нокрыче уг кариськы? шуыса со паймиз. Мон ачим

лушкеш жалай. Дышетскыны мыныкуд Кузёбае нуод-а мар-а? пе шуисько вал, шуэ нэнэмы. Нылы виську Оркемей шур дуре, Миконор агайлэн бакча вöзаз бигерьёс корка бугромес чупизы. Бугроосмы тулыс вуэ кылизы.

Дышетскыны мынй. Госэкзамен сдать кари, диплом басьтй. Иже ветлй дипломме нотариус дорын заверить карыны шуод-а мар-а? Мон Иже ветлон дырья корка интыяллям Вьль ураме. Сөбере бигерьёсыз медьяса, коркамес вуттйзы. Олексей Ладимер вамен жутыны адями öз сёты.

7 июль 2018 ар

1957 ар. Школаез кесяса, пичиятыса пуктйзы. Куке-соку учкыны ветлй. Ачим колхозэ ужаны потай. Школаез дышетскон арлы вуттйзы. Колхоз пуктйз, строй бригада вал. Роно 600 манет премия сётйз лэсьтйськисьёслы. Гур поттыны Шулыке ачим ветлй велосипедэн Акмачча пи шуо вал.

Асьмелэн но Вьль ураме коркамы вуэмын вал. Гур поттыны гынэ кулэ вал. Викторлэн Акмачча пиез оломалы поттытэмез öз поты. Кыче ке тамак сыскись бигер поттйз. Кирпич Сальялась ваимы. Сое ваньзэ огнам корка пыртай.

Сентябрьлэн 20 числоосаз коркаемы пыримы. Корка пырон каримы. Виктор Исакъёслы зыры лэсьтэм но 1 черык вина ваизы. «Вина пöсьтод ини, Виктор вожояськоз»: – шуэ Матрон кенак, сюр анайзы Исакъёслэн. Октябрь празднике корка туй каримы. Кирос агайёмес öтимы. Викторлэн кирос агаез Сальялась Эмель Эке Гирго шуо вал. Мынам кирос агае Мрат Исътёпан.

Тоняосыз но öтиз вал кадь Виктор. Нэнэмы шуиз: «Трофим машиналы пе мыноз, лыктыны уг быгаты» Куноос кошкеш бере кыллэсь «зечсэ» кисьтйз. Винаед быриз-а? кылиз шуисько. Трофим лыктысал ке винаез бырысал шол. Чылкыт улыны уг луы шуыса яна потэмед. Чылкыт улэмед ке потэ, выжвыл тросад половикед мед луоз вал! Мынам анае öвöl уг половик куыны. Зарплатаен ужаськод ук!

Зарплатаен но басьтыны уг сюри вал шол соку. Виктор городэ ветлйз но, öз шедьты. Яна лыктыкумы Володялы 4 арес, Розалы 3 арес вал. Роза пересе кошкылэм. Володя оло кызьы улэм. Ужаны кошкылймы, асьсэ понназы кьльылйзы.

29 август 2018 ар.

1958 ар. Вьль ар бере 5 январе Тоня вордйськиз. Ог толэзь коть декретын улй меда? Уг тодйськы ни. Сөбере Соломья чужодйгез утиськыны ваимы.

1959 ар. Гужем 6 июне Игорь вордйськиз. Сйзбыл Кузёбаись Августаез утиськыны öтимы. Одйг ар утиськиз. Улэмез öз поты.

1960 ар. Игорез утыны Вуж Тйгырменысь Нюра Женялэсь вармумызэ ваимы. 4 ар улйз. Володя 1-ой классэ дышетскыны мынйз.

1961 ар. Роза 1-ой классэ дышетскыны мынйз.

1962 ар. Черсий, керттйськи 15-16 куз.

1963 ар. Районэз Ижевск каризы. Конференцие но отчётэн Иже ветлй. Марина Семёновнаен Москвае ветлймы.

1965 Тоня 1-ой классэ дышетскыны мынйз.

1966 ар. Коркамы сисьмиз. Виль корка лэсьтоно. Виктор Комсомолкаысь кускыли басьтыса, нюлэс басьтймы. 5 декабре конституция нунал вал. Выходной сётъязы. Арня нуналэн артэ луиз. Одыг нуналаз пужым погыръямы. Мукет нуналаз огине люкамы. Игорь 1-ой классэ мынйз.

1967 Пересьёс пала корка бугро чупизы. Гужем чоже вуж корказэс сэрттыса, виль корка пуктймы. Та араз ик өм мынэ. «Кенэн кызы улод пе шуэ» нэнэмы. Соос понна-а мар-а лэсьтймы? Нылпиосмес дйсятэк, кутчатэк.

1968 ар. Май толэзе скалмы пыраны мед дышоз шуыса, пересе нуимы. Чук но жыт отчы кыскыны ветлй. Июнь толэзе корка миськыса улыны мынймы. Нэнэмылэн йырыз сураськыны кучкем вылэм. Ом валалэ. Монэ сион пöзтылыны уг лэзы. Пурты дуре мынэме ик уг луы. «Чай гынэ юом, ужаны мынйсед өвёл» шуэ. Улыны йөнзэ ой шедьты. 16 августэ асьме коркамес миськымы но берен бертймы. Скалэз пастух пумитэ мынй но, сюрэз гозы поныса ваи. Виктор пастух вал. Телевизор басьто шуыса, пастухе медъяськиз вал.

1969 ар 11 февралэ Эля вордйськиз. Гужем виль программаен дышетоно шуыса, усовершенствование лэзизы. 4 толэзем нылыным ветлй. Тоня утиськиз. Лукия апай дорын уймы. Сйзыл 1 сентябрьысен виль ясли усътйськиз. Яслие нулдймы. Чапак 1 ар ужаз ясли.

1970 ар Нош ик корка пуктыны кулэ. 1969-1970 аръёсы толбыт нюлэс кораз Виктор. Сельсовет школаослы но медпунктёслы нюлэс басьтйз. Отысь деловойёссэ корка пуктыны асьмелы нулдйз. Гужем чупыса жутймы вемеен. Зокесь коръёсыз шори пильылыса.

Сйзыл Володя Иже Университетэ дышетскыны пыриз. 25 июле дядяймы кулйз. Нэнэмы огназ кылиз. Виль арозь ужаса, Марина Семёновна городэ улыны кошкиз. Интыяз армиясь бертэм Василий Михайловичез кельтйз. 2 ар ужаз.

1971 ар Дядяймылэсь арзэ каризы. Картофка октэм бере, нэнэмес дорамы ваимы. Роза 10 классэз быдтйз.

1972 ар. Нэнэмы шодымон шузияськиз. Виктор тйрен уйылэ шуыса. Чукна вазь ик Прокофей агайёс доры кошкылйз. Школаын Евгеньяен ужаны кутскимы.

1973 ар. Школаосысь директоръёсыз Иже дышетскыны люказы. Отысь бертэм бере Роно Москвае лэзыны коллективно сюреслы уксё тыроно вал. Мон уксё тырыны мынй Роное. Отын мыным яке Москвае, яке курортэ мыноно. Мон 1963 арын Москвае ветлй вал ини. Лучше Зятча курортэ мыноно

кариьски Ёзъёсы висё. Лялиын Дарьяос дорын улий. Курсовка вылэм. Собрере 10 ар өз висьылэ ёзъёсы.

1974 ар. Володя берпум арзэ Университетын дышетске. 8 мартэ кышно-ьяьскиз. Нэнэмес Сарданэ келяса возизы вал. Чапак сюанлы ваёно луиз. Асл-эсьтыз корказэ шунтыса, отын возимы сюан ортчытозь. Одыг толэзь улыса, кулийз 9 апреле. 22 ноябре Алёша вордйськиз. Роза Иже мынйз. Игорь Можга педучилищее. Тоня Лутохае школаын ужаз.

1975 ар. Володя дышетсконзэ быдтйз. Лутоха школаын дышетыны мынй-зы кенэн. Отчы квартира сётйзы Эляез школае чортйсько но, со Валька Оля доры пырыса кыле.

13/IX-18

1976 ар. Дышетскисъёс ёжыт кылизы. 2 дышетйсьлы уг тырмо ни 75-76 дыш. арез жыны ставкаен ужай. Эля нырысь классэ дышетскыны мынйз.

1977 Эля 2-тй классэ мынйз.

1978 Сйзбыл Игорь Армие мынйз, педучилищеез быдтыса. Асьме шко-лаын 3 классэн огназ 2 толэзь ужаз. 10 борд куиськи.

1979 ар. 7 октябре Виль клуб усьтйськиз.

1980 ар. Концерт пуктылмы. Жытъяёсы дасяськыны потамы. Шулдыр вал. Мёзмыт ой вал.

1981 ар. Виль ар бере строчить кари.

1982 Игорь кышноьяьскиз. Олёна вордйськиз 6 августэ. 28-29 мае Тоня се-мья кылдытйз. Сюанэ ветлим.

1983 4 подушка¹¹⁰ черси. Ыжгон черсий, керттйськи.

1984 Валес пуйы 6 борд, диван шобретъяёс но половик 10 борд куи.

1985 Войналэн дугдэмезлы 40 ар тырмиз 9 мае. Нылкышноослы кышет сётъязы. Пиослы простынь, пододеяльник но 1 тоды миндэр пуйы. Ковер пужыятй, коверъяёс куи, апайлэсь.

1986 ковер пужыятй.

1987 29 июле Игорь Аляен люкиськиз. Алёна чуказеяз шып гынэ бертйз. Укыр мусо потэ вал. Ковер пужыятонме быдэстй. Подшторник строчить кари.

1988 Эляез 15 мае Ёргилы нуизы. Тоня гужембыт доре бертыса улийз. Са-шаез пичи вал. Сйзбылэзь улийз Саша. Качалка кузя ветлыны дышиз.

1989 Элялэн пиез Руслан вордйськиз. 16 сентябре Розаен Миша телеви-зор ваизы. 243 манетэн пенсие 89 манет вылэм. 20-21 мае Розаез нуизы.

1989 ар. Розаез Грахе нуизы май толэзе. Июнь толэзе сюанэ ветлимы.

1990 арын Юля вордйськиз. 2 апреле. 21 янв. куиськи пуктыса 10 борд половик куиськем 6 мартозь.

110 Мария Павловналэн верамезъя, пакет пушкын турлы буёло вата луэ вал, кудзэ азьвыл черсо вал.

1991 Виктор пенсие потытэк висыны кутскиз. Макес выжые висе шуыса, мырдэм ветлйз. Нуназе сиськыны өз бертылы ни, фермаын сион пöзгыса сиськылйз. Собрере Киясае больницае мыныса флюорографии пыраса, висёнзэ шедьтйллям. Тяззак луэм. 30 июне Гришаослы корка жутыны ветлйз. 1 июле эшшо мумыкор жутыны ветлйз на. 2 июле пастухмы вал. 3 июле Иже операцие мынйз. 60 арес тырмоназ клубын собраниын постельной сётйллям.

1992 ар. Каллен ульмы на Викторен кыкнамы. Виктор висиз. Толалтэ Элялы подшторник строчить кари.

1993 Толалтэ лавкае нянь басьтыны потай. Сион пöзгыны Викторлы кельтылй. Парсь но вордймы вал. Пичи макес пумез адзымтэ лэся. Бадзымзэ басьтэм но, ошыны секыт луэм. Собрере нош ик висёнзэ секыт луиз. Гужем висемезлы чидатэк, ассэ ачиз быдтйз. Монэ огнаме кельтйз. Толалтэ, 4 феврале Лена вордйськиз.

19 сентябрь 2018

1994 10 борд половик куи на. Пудо вордй скал но ыжжёс. Нылпиос юрттйзы пудо сион дасыны.

1995 Войналэн дугдэмезлы 50 ар тырмиз. Лукерьяен монэ Володя мотикен Кузёбае нулдйз. Отын медаль сётйзы. Татын но сётйзы вал ини. Нылкышноослы нош кышет сётъязы.

1996 ар. Черсй керттйськи. 15-16 куз.

1997 ар. 24/V Игорьь машина басьтйз. Мон 350000-00 сапожки басьтй. Юртмылы миллионмес басьтймы. 3/VII Игорьь трактор басьтэм.

1998 ар. 10 Май толэзе мыным инфаркт луыса Киясаын больницаын кылли. Сйзбыл октябрь толэзе Игорьь скалэз келяз, туклячи юрттйз. 5 декабрьлы Кузёбае ветлйм Зоя чöж сётйз.

1999 ар. Занавесьёс строчить кари.

3/X-18 ар.

2000 ар. Виль арез Игорьёс дорын Розаен мыныса пумитама. Ельцин ужысгыз ачиз кошкиз. Интыяз Путинэз кельтйз. Мон кöлыса кыли. Виль ар нуналэ Тронинжёс доры сйлен перепеч сиыны ветлймы.

Володяен Игорьь виль пичи мунчоез лэсьтйзы. Октябрь толэзе пырыны кучкымы. Числөзө ой чакла. Занавесьёс строчить кари.

2001 ар. Сйзбыл, тол ини. 2 ноябре Павлик вордйськиз.

2002 ар. Ыжгон черсй, керттйськи, чильпаськи.

2003 Игорен Красноярске ветлймы. Чильпаськи, пужыятйськи. Телевизор басьтйзы 4500-00 манетэн.

- 2004 Ыжгон черсий, керттйськи.
2005 ар.
2006 ар. 6/XII 1972-00 ман газ проект 6/II 30-00 метрось нуыны-вайыны.
13/XII паспорт ксерокопия пас 1871 + 130 ксерок.
2007 ар. 250-00 = 250-00 налог госпошлина докум. лэсьтыны
2008 17/V – 29/ V 23000-00 газлы трубаос котел 9566 сварщикъёслы
29/XI кыре трубаос кыскизы. Счѣтчик кельтйзы.
11/XII Пожарник ветлйз, яраз Пикаль Лѣня ваиз.
16/XII 51300-00 манет тырмытй
29/XII 990-00 газ герзаны. Газ кенжиз.
2009 ар. 30-31 октябре Розаен Юля арган ваизы 16500 манет.
2010 9 авг. Володя укно янак лэсьтиз, гур пала 15000 стир. машина бась-
тйм.
2011 1/X 6341 ман. 1 усьяно пластиковой укно пуктймы. 7500 ман. мунчо
гур ваиз Володя.
2012 ар. 22/I 1300-00 ман. счѣтчик ваиз Игорь газлы.
24/I 260-00 ман. счѣтме пуктйзы.
2/X 650-00 ман. стиральной машина тупатыса ваиз Игорь.
3/III Володя мунчо гур пуктйз.
13/X Володя корт лист ваиз.
2013 ар. 14/II Укно улѣ сетка ваиз Володя. Профнастил, юбоос 6000-00.
Профнас. 11466 сетка 3080 урам пала забор но сетка лэсьтйзы Юраен.
2014. 8/VII Володя мунчо выж лэсьтйз. Пограм кыз вандылйз. Кыз
погыръяз, конѣк шуккиз.
2014 ар 11/ XI Пластиковой укно пуктылызы. 44000 манет май толѣзе
урам пала забор но сетка лэсьтйзы Володяен Юра.
2015 ар. 29/V Вуж мунчо събры збор лэсьтйз Юра.
3/I Ёрги газ котѣл тупатйз.
2/II Игорь телевизор тупатыса ваиз. 4/IX Володя муръѣ тупатйз.
2016 ар. 8/IX Мунчо улѣ кор тыриз Володя.
17/V Мунчо гур суяз Игорь.
2017 ар. Володя, Юра, Максим (эмеспи) лапас лэсьтйзы.
2018 ар. Володя муржжол ѳс лэсьтйз. Пичи палысьтыз укно улысь коръ-
ѣсыз суяз.
13/IX Борддорез тол потыны тупатйз. Игорь вуж коркаазь липет шуккиз.
29/IX Гараж липетѣз липиз.
2019 ар 28/I-2020 ар Газ котѣл басьтйз Володя 20000-00 ман. 12-14 сентя-
бре пуктйзы Игорен.

Арлыды бадзым луиз, 12 декабре 92 арес луо ни. Роза пенсие потыса, монэн валче, дорын улэ. Городын нылыныз, Юляен ганяк улытэк. Татын солы мөзмыт потэ. Гуртын ужъёс туж трос гужем. Толзэ бон туж трос уг луы но. Роза весь аслыз уж шедьтэ. Туж бадзым тау Розалы. Вань уж со вылын. Ваньзэ чылкыттэ, миське. Арнялы быдэ мунчое пыриськом, куддыръя арня куспын но эстэ. Огнам кылён дыръям куддыръя Володя бертыса кёла. Паша ветлэ мар но со каре. Мыным пож ву кисьтон но секыт. Али Роза городэ кошкиз. 27 июнь Игорь 2 внукъёсыныз монэ чакланы бертылйз, нянька пе кыли. Марина кошкем, кен ужаны мынэм. Игорь ужысьтыз куриськем. 23 июне гуртлэн празднаказ потай. Потй Оксиньялэн внукеныз 3 пол ял кари, туж жади. Вот ведь, калыкез адзем потэ. Каллен потасько прогулкае, урам пумозь ветлйсько, жыт но чукна но.

1 август. 29 июле Роза жыт Русланэн Иже кошкиз. Телефонлэн батарея-ез бырем. 30 июле Паша ветлйз. Пичи телефонэ понйз номерзэ. Жыт Игорь тауфон вайыса бертиз. Телефонэз нуиз. 31 июле телефонэ батарейка поныса ваиз. Татын кема тупатыны выриз. Телефон тупаз. Тау!

Нэнэме тодам вайыса.

Нэнэ кошиз ёросэ
бакчатй, мушъёс вөзтй.
Мон уиськи со съёры
Монэ мушъёс норизы.

Бёрдыса берен берти
Анай куйгу ву жутйз
Йыр вылтйм ик пылатйз
Корказе изыны выдтйз.

Мукет дыръя уляськи
Мар ке но юондыр вал
Оло анай кулыкку
Оло 40 уй дыръяз.

Нэнэ туж чаль дйсьськиз
Бызьыса сяин потйз.
Мон со съёры бызисько,
Мон съёры Орина но Лукерья.

Со чик нэнэ вылымтэ
Пельтэм Педосья вылэм.
Дйськутэз чылкак солэн
Нэнэен огкадь вылэм.

Нэнээд котькинлы мусо.
Нылпи нэнэлы дуно.
Но мон уг тодйськы
Дуно вала мон солы.

Дуно вал дыр ас понназ.
Улон туж сёриськиз шол
Милемын йырин ой вал
Уйёсы пегаса көлаз дыр.

Нош ик кошкиз бакчае,
Мон со сьёры уляськи.
Төр пала бёрдыса мынй.
Анай корказе потйз,
Легаса монэ жугиз.

Эшшо төр шорын бёрдйськод
Калык бёрдэмдэ кылоз
Мон соку чик ой вала
Нэнэ пега дыр шуыса.

Ми туж пичиысен анайтэк кылимы но,
 Атай Кузёбае нуыса будэтйз.
 Мөзмиськеммы дыр ини 30-40-50 иськемез
 Туж пичиысен пыдын адзиськыны бертылым.

Ныл рад но луи но, бизем но яськи но
 Арлы быдэ нылпи вайыса, кадыре быриз.
 Ачим вури, миськи, кышъяй, черсй, керттй
 Ужай но ветлй, кызьы меда ваньмаз вуиськем.

Милемлы ой вал кутэт, милемлы ой вал штан
 Арнялы одйг пол дйськутсэс вошъямы
 Гырпумын но кышъет вал, пидэсын но кышъет вал
 Кымысьёсазы гынэ кышъетъёссы медаз луы.
 Нылпи вуттйськом кожам, юртъер лэсьтйськом кожам
 Ужез ужаса быдтйськом кожамы
 Уй-нунал ортче кожам, аръёс ортче кожамы
 Озы ортчиллям милям даруёсмы

Пор ныллэн кырзан гуреныз кырзасько

8/II-95

Тылобурдо лобан понна кылдэм,
 Адями – шуд понна.
 Шуд – со кыткем вал өвёл,
 Вайыж куспы пыртйд ке но,
 Кытчы күлэ очы уз ну.

Шудо-а тон шуыса юало ке, шудо шуисько. Шудо луон понна туж трос тыршоно. Маин мон шудо? 5 кузя вордэм нылпиосы йонтэмесь, шузиесь, өвёл кадь пото. Анайлэн вань шудэз нылпи бордын дыр. Соос ке тазаесь, чырткемесь. Но мон соосты алиен чөшатыса, утыны ой быгаты, неку вал мыным соосты утыны. 10 ар утись медъяса вози. Пудо вордэмъяськиз. Уже мыноно пудо дорысь бертоно пудо доры. Чукна 4-5 часын султыса бизьылыса ужай, корказтй бизьыса васьки, бизьыса туби. Алиен кемалась уд чөшаты.

Володялы 6 арес дыръяз Игорез утыны оскылй, Лутохаын дышетскыкуз. Мыным трос общественной уж сётгъязы. Лозунг гожъяны Володяз валэктыса гожтылытй. Суредаськонэн дышетйсез (нимзэ вунэтй) Иже сьöраз нулдыса

Университетэз возыматэм. Очы худграфе мыныны дэмлам. Озы со 10 кл. быдтэм бераз мынйз. 4-тй курсаз кышнояськиз.

Роза 10 классэз быдтыса, колхозын ужаз. Со бере кин ке дэмлаз Лут. библиотекае. Отын 1,5 ар ужаз, собере нош ик колхозын. 20 арес тырмыса Иже кошкиз, радиозаводын ужа 29-тй арзэ.

Тоня 10 кл. быдтыса 1 ар Лут. школаын делопроизводитель луыса ужаз. Собере Чайковский политехникумез быдтыса, направлении Красноярске 1979 ар 24 июне мынйз, отчы ик семья кылдытйз, улэ 24-тй арзэ.

Игорь 8 класс бере Можга педучилище мынйз. 2 толэзь пала асьме школаын ужаса 27 октябре 1978 армие мынйз. Кубаын служить кариз. Бертиз 1980 ар.

Атай Починька пи Игонялэн вылэм. Анаез кулэм бере, атаез Игоня, мукет кышно басьтэм. Одотья апай, Лукия апай, Палагей апай: соослэсь анайзэс. Атаез Вужгуртэ (Ньёнюке) вордыны бастйллям Максим но Такан.

Атай будыса ужаны быгатытозь Максимен Такан умой улйллямтэ. Атай (Паша) вуыса умой улыны кучкиллям. Атай (Паша) ужась луэм. Кык скал, кык вал но мукет пудо вордйллям. Мон тодйсько на кык валъёсмылэсь гидкуазь куала котырты вортгылэмзэс.

Юртъер туж умой вал. Виль коркамы оло 2-3 ар гынэ улыса вуимы. Кёлан кенос, йёгу кенос, ю кенос. 2 вал коргид. 2 ыжгид, куала, куала съёрын пу тырон лапас. Бакчаын кутсаськон лапас. Обиньмы виль вал.